



Kitasato Memorial Medical Library

F
シ-76

30 31 32 33 34 35 36 37 38 39 40 41 42 43 44 45 46 47 48 49 50



490.95
Sh-27
2

No. 3690

185 131



富士川文庫

1975

蘊要全書目錄卷三

辨三陽經發熱標本不同

傷寒表証發熱例

傷寒表証惡寒例

傷寒本熱例

傷寒汗不徹汗後例

傷寒內傷外感例

傷寒經發熱例

傷寒煩躁例

傷寒項背強例

傷寒頭搖例

傷寒無汗例

傷寒頭眩目眩例

傷寒項背強例

傷寒煩躁例

傷寒無汗例

傷寒頭搖例

傷寒無汗例

傷寒項背強例

傷寒煩躁例

傷寒無汗例

傷寒蘊要全書目錄卷之三

辨三陽經發熱標本不同

○傷寒表証發熱例

麻黃湯

大青龍湯

傷寒表証惡寒例

傷寒汗不徹汗後例

黃芪建中湯

傷寒本熱例

傷寒惡風表証發熱例

六神通解散付骨髓寒熱條下

金沸草散

傷寒內傷外感例

足陽明經發熱例

葱白葛根湯

傷寒潮熱例

五苓散

白虎加人參湯

易老九味羌活湯

消風百解散

柴胡升麻湯

藿香正氣散附小青龍湯

加減參蘿飲

葛根湯

麻葛根湯

人參白虎湯

○傷寒下臍血例

孫兆口訣黃連湯

人參散

四朱內服湯

三黃補血湯

大黃酒

阿膠湯

黃連胃風湯

桃花湯

平胃地榆湯

桂附六合湯

大陷曾湯

大陷丸

○傷寒結曾例

孫兆口訣赤芍苓散

牽牛半夏湯

地龍水

小陷曾湯

加味柴胡桂枝湯

巴豆餅子

柴胡桂枝乾姜湯

柴胡桔梗湯

桔梗散

○傷寒心下痞氣例

十枣湯

附子泻心湯

大黃泻心湯

桂枝人參湯

木香和中湯

活人書桔梗湯

枳實理中湯

宣明枳榔散

瓜蒂散

○傷寒譏語例

○傷寒鄭聲例

五苓加木香散

○傷寒蘊要全書目錄卷之三

傷寒蘊要全書卷之三

太醫院判錢唐吳綬編集

辨三陽經矣熱標本不同

夫足太陽以表爲標膀胱爲本亢頭疼項背強腰

疼身躰痛骨節疼或發熱或未發熱惡寒脉浮

緊而無汗者此寒在標也宜麻黃湯或神木湯汗

之若惡風發熱自汗脉浮緩者此爲風在標也宜

桂枝湯或冲和湯和之不可發汗也若脉浮發熱

煩渴小便不利者此爲熱在本也宜五苓散主之

蓋五苓散乃太陽經入本解膀胱邪熱之藥亢陽


明經以肌肉爲標胃爲本故發熱目痛鼻乾脉長

乃熱在標也宜葛根湯汗之若表裏俱熱口渴飲

水脉洪數者熱在標本宜人參白虎湯解之無惡

風惡寒反惡熱或寒熱並存者標本也內實

太便鞶脉洪寔者調胃承氣湯下之尤少陽經不



從標本從乎中治所以主半表半裏之病或往來寒熱脉弦數口渴渴滿口渴利者宜小柴胡湯和之大抵治太陽禁下陽明忌利小便少陽禁不可汗不可下不可利小便凡治傷寒發熱不宜一槩用小柴胡湯須辨其經病合宜而用則善矣

○傷寒表証發熱例

足太陽經標熱則翕翕發熱又謂之拂拂而熱者其熱在皮膚之上如羽毛之所拂明知熱在表也其脉浮數或浮緊或頭疼身痛腰疼骨節痛惡風無汗而喘者麻黃湯汗之

麻黃三錢

桂枝二錢

甘草炙一錢

杏仁去皮尖炒一錢半加生姜三片

東子二枚

頭疼加葱白頭連根二箇

右水二鐘前

火至一鐘去上沫濃清乘熱服之以

衣被蓋

暖取汗漿々遍至手足心則止不必再

服之也如須臾汗未出者宜敵稀粥一甌以助藥力汗出則止如又汗未出者再煎一劑與之仍前溫覆取汗若病重者一日一夜服週時觀之若表病仍在者湏再作一劑煎服若服三四劑汗不出者爲難治必湏蒸法取汗

○十味芎藭散

治四時傷寒溫疫時氣頭疼發熱曾膈滿悶脉浮數無汗者服之凡天道和緩邪輕者以此代麻黃湯

川芎

枳殼

桔梗

陳皮

半夏各一錢

荳蔻

紫蘿

柴胡各二錢

葛根茯苓一錢

甘草七分

姜三片

枣二枚

右作一服水

二鐘煎至一鐘去滓濃指桑熱服

溫覆如前取汗

若天道尚寒欲發汗者少佐麻黃一二錢以發之

若年老之人與虛怯之人脉虛弱無力者必加人參一二錢

若頭疼者加連根葱白二箇白芷一錢痛甚者加細辛五分巔頂痛通頭痛者加藁本一錢

若大便浮者去枳殼加白朮一錢五分若腰痛者加炒白芍藥一錢半如惡寒而痛者更加桂五分主之

若遍身骨節痛者加羌活一錢五分如惡風惡寒而痛者更加桂枝一錢主之

若内外熱甚者加黃芩一錢五分柴胡倍加之若夏月夾暑煩熱者加黃連杏薑各一錢主之

○若內有飲食停滯心下痞悶加枳實青皮各一錢人參羌活散即敗毒散

○治傷寒頭疼身痛骨節疼痛惡風發熱不分有汗無汗皆可用之凡時氣溫疫熱病初作頭疼發熱

者亦皆主之又治咽喉腫痛發斑瘡疹腳氣寒熱並宜用之且此湯乃解利傷寒傷風太陽少陽陽明三經之藥也

人參一錢半

羌活二錢

獨活一錢半

前胡一錢半

柴胡二錢

枳壳一錢

桔梗一錢

川芎一錢半

芍藥一錢

甘草一錢

生姜三片

右作一服水二鐘煎至一鐘去滓濾清通口服

若天尚寒欲發汗必加麻黃葛根葱白少佐以汗之若傷風不解有汗惡風發熱者加荆芥一錢防風白朮各一錢五分若減桔梗用青皮名清氣散治傷

風痰熱之藥也

若咽喉腫痛倍用甘草桔梗更加荆芥防風薄荷連翹牛蒡子各一錢

若班疹欲發未發加升麻葛根各一錢如已發不透

者加紫草草一錢
若時氣熱病肌熱壯熱加黃芩葛根各二錢中暑煩
熱加香薷黃連各一錢如大便浮者去枳壳加白
朮二錢

若小兒感冒傷寒發熱加地骨皮天麻各五分薄荷
三分東子半箇生姜一片前藥三分取一水一鐘
煎半鐘與之亦名人參羌活散也

○大青龍湯

治傷寒脉浮緊頭疼身體痛惡寒發熱不得汗出

煩躁擾亂不安者以此汗之

麻黃六錢

桂枝二錢

甘草一錢

杏仁一錢

五分湯泡去皮尖

石膏四錢

生姜三片

大棗二箇

右用水二鐘煎取一鐘去滓通口服以衣被溫

覆取汗則愈經言煩熱汗出則解此之謂也古

人以傷寒為汗病其身熱煩燥無柰何者一汗而
涼斯言是也蓋天之邪氣自外而入亦當自外
而出之非汗不能解也

○羌活神木湯

治傷寒頭疼項背強腰疼骨節痛脈浮腎發熱惡
寒無汗如天道和緩以此湯少加麻黃葛根發其
汗可代麻黃湯也如煩燥者加石膏麻黃倍用之
可代大青龍湯之用也

羌活二錢

藁本一錢半

川芎一錢半

白芷一錢半

蒼朮二錢

細辛一錢

甘草一錢

葱白連頭二箇

生姜三片

右煎法同前溫覆取汗

○傷寒表証惡寒例

凡傷寒則惡寒理之然也雖居密室之中惟幕
衣被之內則憎寒拘急自然而惡之也若見

風則尤甚而怕也如寒氣甚者則使人毫毛必直而鼓領戰慄雖欲向火而不能避其寒也如已發熱者雖身大熱而不欲去其衣被也且患寒多屬表証而有虛實之別以有汗者爲虛無汗者爲實也若欲攻其熱者但有惡寒爲表不解不可攻也宜先解其表而不惡寒反惡熱者此爲表解乃可攻其裏也然亦有少陰之惡寒者則踰卧足冷脈沉細也宜當溫之而不可發汗又少陰病一二日口中和而不燥渴止稱背上而惡寒者以附子湯溫之又傷寒無大熱口中燥渴心煩獨背上微惡寒者此爲裏有熱也以人参白虎湯主之蓋微者不甚者也若比之少陰則寒甚也又陰症口中不渴而和陽症則口中燥渴而煩此背上惡寒而有陰陽冷熱之別不可不仔細而辨之也

○麻黃湯

治傷寒惡寒或已發熱或未發熱必體痛嘔逆脉陰陽俱緊而無汗者此爲表實用此湯加生姜以汗之方見新

○桂枝湯

治傷寒發熱汗出而惡寒者爲表虛以此湯和之不可發汗也

桂枝三錢

芍藥三錢

甘草二錢

生姜三片

東子二枚

又用二鐘煎至一鐘去滓溫服

若寸脉浮面尺脉弱自汗乃出齒々惡寒漸々惡風翕々發熱鼻鳴乾嘔者桂枝湯主之

若頭疼發熱汗出惡風者桂枝湯主之

若項背強几々反汗出惡風者桂枝加葛根湯主之
几々者伸頸之貌若短翅之鳥動則伸縮其頸而
欲飛也然項背強者鞭而不柔和也

若發熱惡寒熱多寒少脉微弱者此無陽也不可發

汗宜桂枝二越婢一湯主之

桂枝一錢半

芍藥二錢

甘草一錢

麻黃一錢半

石膏三錢

生姜三片

大棗二枚

煎法同前

若自汗出者去麻黃加白朮一錢五分若小便不利者加茯苓一錢五分若脉微弱者加人參二錢半

○傷寒汗不徹汗後例

治傷寒發熱惡寒熱多寒少有似瘧狀或一日二三度發面有熱色其身痒者此不能得小汗出故也宜

桂枝麻黃藥味錢數各一半與之

若傷寒形似瘧日再發者汗出必解宜桂枝二麻黃一湯主之以桂枝湯二分麻黃湯一分合而用之

若傷寒面色綠々正赤者此陽氣搏鬱在表當發汗其人躁煩不知痛處乍在腰中乍在四肢按之不

可得若短氣者此汗不徹故也宜更發汗則愈若服發汗藥汗出解半日許復煩熱不解其脉浮數者更發汗則愈

若傷寒八九日不解脉浮緊無汗發熱身疼痛者此爲表証仍在太陽經而不傳宜麻黃湯汗之若傷寒十日已去脉浮細而嗜卧者外以解矣若曾滿腹痛者屬少陽也與小柴胡湯主之脉但浮不弦無胷滿脇痛者還屬太陽無汗者麻黃湯主之有汗者桂枝湯和之

若發汗後惡寒有表証不解脉浮者宜桂枝湯和之如脈虛人弱者以人參三白湯加桂枝汗多者黃芪建中湯主之如不惡寒而反惡熱者此為內实也大便秘者宜調胃承氣湯主之

人參三白湯

白朮

白芍

白茯苓各三錢

加桂枝一錢 生姜三片

右用水二鐘煎一鐘溫服之

大棗二枚

○黃芪建中湯

黃芪二錢

芍藥二錢

桂枝一錢

甘草一錢

東子二箇

生姜三片

○調胃承氣湯

大黃四錢

甘草二錢

芒硝三錢

右用水一鐘先煎大黃甘草煎至半鐘入芒硝

溶化去粗溫服

若傷寒太陽病三日發汗不解蒸々發熱者屬胃也

○調胃承氣湯主之

若太陽病發汗後大汗出胃中乾煩燥不得眠欲得

飲水者少々與飲之令胃氣和則愈

○傷寒本熱例

○五苓散

治太陽膀胱本熱小便不利發熱口渴

猪苓 潤滑各二錢

白朮 茯苓各半

桂五分爲引經可達下焦也

蓋此湯入本之

藥也

右用水二鐘煎一鐘濾清溫服

若發汗已脉浮數煩渴者五苓散主之

若發熱利小便不利者五苓散主之

若發熱渴小便不利者五苓散主之

有即吐者名曰水逆五苓散主之

若發汗後大汗出復大煩渴不解脉洪大者白虎加

人參湯主之活人書言白虎湯乃汗後解熱之藥

也

石膏四錢

知母二錢

甘草一錢

粳米半合

人參二錢

右

用水二鐘煎至一鐘濾清服之

若傷寒七八日不解熱結在裏表裏俱熱時々惡風
大渴舌上乾燥而煩欲飲水數升者白虎加人參

湯主之

若傷寒無大熱口燥渴心煩背微惡寒者白虎加人參

湯主之

若傷寒脉浮發熱無汗其表証不解者不可與白虎
湯渴欲飲水無表証者白虎加人參湯主之
按時々惡風者時或有之而不常也微惡寒者乍寒
干背而不甚也故宜白虎湯主之若表証全在頭
疼惡風惡寒而發熱者豈可用之活人書曰切戒
太陽病無汗而渴者不可用白虎湯陽明病汗多
而渴者不可用五苓散此之謂也

○傷風惡風表証發熱例

凡傷風則惡風理之必然也蓋風喜傷衛々者陽
氣也風邪客之則腠理反陳所以自汗發熱而惡

風也夫寒喜傷榮々者血也寒邪客之則血凝澁
腠理閉密則無汗陽氣怫鬱而爲熱也夫浙々惡
風者洒淅也但見風則惕然而驚怕之貌也若居
密室之中衣被之內則坦然自舒而不惡之也一
或用扇一或露風則淅々然而惡之也善惡風悉
屬表証以有汗爲表虛無汗爲表實也凡有惡風
為表証不解不可攻裏也若發汗過多遂漏不止
則爲亡陽而惡風者桂枝加附子湯主之若風濕
相搏骨節煩疼自汗而惡風者甘川附子湯主之
凡傷風無汗惡風而喘者麻黃湯主之若惡風者
汗而喘者桂枝加厚朴杏仁湯主之其餘治例各
開條于左以便詳用焉

○易老九味羌活湯

陶尚文名冲和湯治傷寒頭痛項強身痛骨節
疼惡風炭熱不分有汗無汗皆可服之如傷風



見寒脉傷寒皆風脉皆可服之

羌活一錢五分肢節痛甚者加五分，

防風一錢五分汗多者加五分無汗者用一錢

蒼朮一錢半有汗者改用白朮一錢半川芎一

錢二分白芷一錢二分細辛五分頭痛甚者用

一錢生地黃一錢有內熱者用之內無熱者減

去之黃芩一錢內有熱口苦咽乾者加五分內

無熱口中和者去之

右作一服水二鍾煎一鍾去滓通口服如欲叢

汗加葱白二箇淡豆豉一撮生姜三片煎服溫

覆取汗或再以熱稀粥湯一甌飲之以助出汗

尤宜若嘔者加生姜嚼而有痰加半夏去生地

黃若口乾肌熱加葛根二錢若惡風自汗不止

加桂枝一錢芍藥一錢半若胸膈痞悶加枳殼

桔梗各一錢主之

已上九味雖爲一方然亦不可執中無權猶執一也當視其經絡前後左右之不同從其多小輕重之不增損用之如神其効腳此傳心咬咀水煎服若汗熱服以羹粥投之若緩汗溫服之而不用湯投之也

○消風百解散

治四時傷寒頭疼發熱及癰瘍咳嗽鼻塞聲重

荆芥一錢半 白芷一錢半 陳皮一錢半

麻黃一錢半 蒼朮各二錢 甘草一錢

生姜三片

用水二鍾煎至一鍾去滓通口服

○金沸草散

治肺經受風頭目昏痛咳嗽虛重涕唾稠粘及治時行寒疫壯熱惡風

旋覆花一錢半 荆芥一錢半 麻黃一錢半

○前胡二錢 甘草一錢 芍藥一錢半
半夏一錢二分 生姜三片 東子二箇
用水二鐘煎至一鐘去滓通口服如如散痰汗
以衣被溫覆之

○柴胡升麻湯

治傷風惡風咳嗽聲重鼻塞聲重涕唾稠粘及時
行渡氣並皆服之

○柴胡二錢 前胡一錢半 乾葛一錢半
荆芥二錢 赤芍藥一錢 石膏二錢
升麻一錢 淡豆豉一撮 黃芩一錢

生姜三片 右用水二鐘煎至一鐘去滓通口服

○加減參蘘飲 治感冒風寒鼻塞頭暈咳嗽痰或中脘停痰增
寒發熱狀似傷寒並宜服之

○人參 人弱氣少用一錢半氣盛咳嗽者減之
紫蘘一錢若欲發汗加五分 乾菖二支

枳壳 桔梗 茯苓 半夏 陳皮

甘草各一錢前胡二錢木香氣不調無熱者用

五分有熱減之

○用水二鐘煎一鐘去粗溫服若天寒感冒寒
無汗咳嗽氣促或傷風惡風無汗鼻塞聲重咳
嗽者並加麻黃二錢杏仁金沸草各一錢以散
其汗而散之若天令和緩傷風咳嗽有痰者去
人參木香加桑皮杏仁各一錢若內有痰熱者
加片黃芩一錢若曾滿痰多者加瓜萎仁一錢
若曾中痰唾如膠者加金沸草一錢若氣促而
喘嗽不止者加知母貝母各一錢若肺寒咳嗽
加五味子一錢乾姜五分若頭疼咳嗽加細辛
五分若心下痞悶或曾中煩熱或停酒不散或

○ 傷寒內傷外感例
嘈雜惡心加黃連枳實各一錢乾葛陳皮倍用

○ 蔽杏正氣散

治四時不正之氣寒疫時氣山嵐瘴氣雨濕蒸氣或中寒腹疼吐利中暑冒風吐泻中湿身重泄浮或不伏水土脾胃不和或飲食停滯復感外寒頭疼增寒或嘔逆惡心曾瞞瘧悶或發寒熱無汗者

蔽杏上

白朮中發汗用蒼朮

厚朴中

陳皮中

半夏中

桔梗中

大腹皮中

甘草下嘔吐去之

水二鐘生姜五片煎一鐘通口徐々服以衣被溫覆取汗頭疼加川芎名芎芷正氣散腹疼加芍藥

寒痛佐官桂冷甚加乾姜名正氣溫中湯飲食

內虛去之

紫蘋發汗爲君自汗少用

不化心下痞悶加杏附砂仁名香砂正氣散米食不化加神曲麥芽肉食不化加山楂子心下痞加枳實青皮名正氣寬中湯中暑冒風加杏薑扁豆名二杏湯口渴泻小便不利合五苓散名葛苓桂湯時氣增寒腹熱加柴胡葛根名正氣和解散

○ 小青龍湯

麻黃上有汗不用 官桂中 乾姜下

五味子中

甘草下灸

細辛下

白芍藥中

半夏中

煎法同前

○ 足陽明經發熱例

○ 葛根湯

治傷寒二三日標熱壯熱頭額痛鼻乾目疼不得卧無汗足寸脉俱長或大陽陽明合病無汗惡風脉浮而長並宜服之

葛根四錢

桂二錢

白芍藥二錢

甘草一錢

麻黃三錢

生姜三片

大棗二枚

右用水二鐘煎至一鐘通口服溫覆之取汗出至手足心則愈

若剛癆加羌活獨活各一錢五分

若時氣瘟疫發熱而渴內外熱者加黃芩二錢名葛根解肌湯

若頭疼并額痛甚者加連翹葛白頭五箇川芎白芷各一錢五分名葛根葛白湯

若下利或嘔逆者加半夏一錢五分生姜二片名葛根半夏湯

升麻葛根湯

治時氣發熱欲發斑疹而未出者

升麻三錢

葛根三錢

芍藥二錢

甘草一錢

川芎二錢

甘草一錢

右用水二鐘煎至一鐘通口服若發斑者不可溫覆取汗也若斑出而發汗者則斑爛也

若頭痛加葱白三箇白芷川芎各一錢五分

葱白葛根湯

已發汗頭疼不解熱不退者

葛根三錢

芍藥二錢

川芎二錢

知母二錢

葱白五箇

生姜三片

右煎法同前

川芎石膏湯

治時氣壯熱頭疼無汗脉洪長惡風煩渴者

川芎二錢

石膏三錢

麻黃三錢

蒼朮二錢

葛根三錢

甘草一錢

生姜三片

葱白二箇

甘草一錢

若陽明經本熱則身熱汗自出不惡寒而反惡熱也
發熱而微汗出者屬陽明也

○人参白虎湯

治壯熱惡熱表裏俱熱舌上乾燥煩渴飲水脉洪數或濶々自汗或面赤讝語服之

石膏五錢熱甚者用一兩

知母三錢

黃芩三錢

人参二錢人怯者用三錢

粳米半合

○傷寒潮熱例

潮熱者實也如潮候應時而作故曰潮熱也若發在寅卯辰巳時分且未可下只宜小柴胡湯和之熟甚煩渴飲水者人參白虎湯解之若發在未申時分此謂之日將晡也乃可攻裏亢攻法必要料量得宜湏切脉之實大沉实有力再審病人臍腹滿脹否以手按之則鞭而痛手足心并腋濶々然有汗此內实有燥屎也若大熟大实大滿者以大承氣湯下之小熟小实小滿者以大柴胡湯或小承

氣湯下之若腹中不堅滿者調胃承氣湯下之凡用大黃芒硝務在斟酌適中病情不可太過不及也經曰凡欲行太承氣湯先與小承氣湯一鐘服下良久病人腹中轉失氣者此有燥屎也可與大承氣湯下之不轉失氣初鞭後溏者慎勿攻之也攻之則腹脹不食而爲難也陽明病發潮熱大便溏小便自可胞脣滿不去者小柴胡湯主之又脇下鞕滿不大便而嘔古上白胎者可與小柴湯則濶々然汗出而解也故凡有潮熱者必先用小柴胡湯也若熱不除內实可下者宜大柴胡湯主之也

○大柴胡湯

治潮熱手足濶々汗出面赤讝語脣腹滿鞕小便赤色大便秘結不通過經不解或嘔不止心下鬱々微煩或寒熱往來久而不止內實者此湯下之

柴胡三錢
枳實二錢

黃芩二錢
半夏一錢半

芍藥二錢
大黃三錢病大

人壯者倍用人小病小者宜少用之

生姜三片

大棗二枚

右作一服水二鐘先煎柴胡等藥至一鐘半加下大黃再急煎取一鐘去粗濁清溫服一鐘良久腹中鳴轉失氣下且未可再服待一時許大便未行再服一鐘以助前力得大便通利燥屎以下再勿服也若或一周時不大便須再合一劑與之取通利則止經言傷寒十餘日不解脅脹滿而嘔日晡發潮熱々者實也先以小柴胡湯以解外次以大柴胡湯加芒硝二錢下之凡過經潮熱讒語大便實者大柴胡湯加芒硝下之

若傷寒三日發汗不散其人蒸々炭熱內實也調胃承氣湯下之

若陽明病不曾吐下其人心煩者調胃承氣湯主之

方見太陽例

若病人聞木音而驚怕者此陽明土弱畏木也不可

下之也如人走地板動亦懼之也

若陽明病嘔多者且未可下若心下鞶滿者不可下誤下之而利不止者死利止者愈又面合赤色不可下合者通赤也此有表邪汗未徹故不可下也

足少陽經癰熱例

○小柴胡湯

治脉弦數發熱口苦咽乾目眩脣滿痛頭角痛耳中痛耳聾心下痞悶或胷中煩喜嘔或往来寒熱日晡潮熱並宜此湯和之以解半表半裏之熱邪也

柴胡三錢外熱多者用四錢 黃芩二錢內熱多者加五分 人參二錢脉弱人怯用三錢

半夏一錢半嘔而不渴者用二錢
甘草一錢嘔者用五分 生姜三片嘔者用
五片 大棗二枚嘔者去之心下滿者亦去
之

右用水二鐘煎至一鐘去粗溫服一鐘少待半時
許又服一鐘以接藥力和解之也 經曰傷寒四五
日身熱惡風頭項強脹下滿半足溫而渴者小柴
胡湯和之故口苦咽乾而熱者和之耳聾目眩而
熱者和之曾滿而煩者和之脇滿脹痛而熱者和
之心下痞悶而熱者和之半表半裏而熱者和之
往来寒熱者如之寒熱而嘔者和之日晡發熱者
和之皆以小柴胡湯和之也 但見一二證便可和
之不必悉具其也

仲景加減法

若曾中煩而不嘔者去半夏人參加桔梗仁二錢如

胃脹滿多痰脅悶或喘嗽者倍加之

若口渴去半夏加桔梗根二錢

若腹中痛者去黃芩加炒白芍藥二錢

若脇下痞鞕者去大棗加牡蠣粉二錢

若心下悸動小便不利者加白茯苓三錢

若口不渴身有微熱去人參加桂一錢溫覆微汗愈

若嘔嗽去人參大棗生姜加五味子十五箇乾姜五
分主之

○近代名医加減法

若胃膈痞滿不寬或胃中痛或脇下痞滿或脇下痛
去人參加枳壳桔梗各二錢名柴胡枳壳湯
若胃中痞滿按之痛者去人參加瓜萎仁三錢枳壳
桔梗各二錢五分黃連三錢名柴胡陷胃湯
若脈弱虛炎熱口渴不飲水者人參倍用加麥門冬
一錢五分五味子十五箇名參胡清熱飲又名清熱

生脉湯

若脈弦虛，至熱或兩尺，且浮無力。此必有先因房事，或曾憂遺走精，或病中還不固者。宜加知母黃柏各二錢，牡礪粉一錢，名滋陰清熱飲。如有咳嗽者，更加五味子十二箇。

若脈弦虛，至熱口乾，或大便不實，胃弱不食者，加白朮、白茯苓、白芍藥各一錢五分，名參胡三白湯。若發熱煩渴，脈浮弦而數小，便不利，大便泄利者，加四芩散用之。名柴芩湯。內熱多者，此名協熱而利加炒黃連一錢五分，白芍藥一錢五分，腹痛倍用。若腹疼惡寒者，去黃芩，加炒白芍藥二錢桂一錢，名柴胡建中湯。若自汗惡風，腹痛，至熱者，亦主之。若心下痞滿，至熱者，加枳實二錢黃連一錢五分。若血虛發熱，至夜尤甚者，加當歸身川芎白芍藥各一錢五分，生地黃一錢。若口燥舌乾，津液不足者，

去半夏，加桔萎根一錢五分，麥門冬一錢五分，五味子十五箇。

若內熱甚者，錯語心煩不得眠者，加黃連黃柏山梔仁各一錢，名柴胡解毒湯。

若脈弦長少陽與陽明合病而熱者，加葛根三錢，白芍藥二錢，名柴葛解肌湯。若脈洪數無外症，惡熱內熱甚，煩渴飲水者，合白虎湯主之。名參胡石膏湯也。

○傷寒寒熱例

經曰：血弱氣少，腠理開邪氣因入，與正氣相搏結於腸下，正邪分爭，往来寒熱，休作有時，默々不欲食，藏府相連，其痛必下，邪高痛下，故便嘔也。小柴胡湯主之。

若小柴胡湯症，假以他藥下之，其柴胡症不能者復與小柴胡湯，必蒸々而振，却幾熱汗出而解也。

若傷寒六七日、發熱微寒、支節煩疼微嘔、心下支結、小柴胡加桂枝湯主之。若寒熱往來寒多者必加桂枝白芍藥、軟多者倍用柴胡也。若冒暘滿微結、小便不利渴而不嘔、但頭汗出、往來寒熱心煩者、柴胡桂枝乾姜湯主之。

柴胡三錢 桂枝一錢半 乾姜一錢半
桔萎根二錢 黃芩二錢 牡蠣一錢五分
甘草一錢

右用水二鐘煎至一鐘去滓通口服。凡往來寒熱多自汗者宜服之。

○傷寒煩熱例

傷寒煩熱者、因發熱而煩擾不安也。有表熱不得汗出而煩者、其脉浮而數也。須發汗則愈也。故經曰：病人煩熱汗出則解此之謂也。又發汗已解、半日許復煩而熱脉浮數者、須再汗之。又曰：服桂枝

湯反煩不解者、先刺風池、風府、却與桂枝湯愈也。凡傷寒身體煩疼即是熱疼、不得汗也。脈浮數者亦宜汗之、則愈。此表証之煩也。若煩而渴脉弦數乃屬半裏也。宜小柴胡湯去半夏加桔萎根倍人參主之也。至於胷中煩即胷中熱而煩也。又心中煩亦心中熱而煩也。並屬小柴胡湯主之。若煩渴舌燥、脉洪數飲水者、參白虎湯主之也。經曰：陽明病不吐不下、心煩者可與調胃承氣湯主之也。若內傷勞復陰虛火動而煩者、其人身倦無力、自汗尺脉浮虛也。宜補中益氣湯加炒黃連生地黃、麥門冬黃柏知母之類也。若不得睡而心煩者、兼服硃砂安神丸納其浮溜之火而安神明也。凡傷寒六七日、手足三部脈皆至大煩而口噤不能言、其人躁擾者、欲作汗解也。若脉和大煩目重、臉內際黃者、此亦汗出而解也。大抵肌表大熱而煩者、蓋

欲作汗而解也。一如天道亢熱以盛，人皆不安。或時大雨而至，人皆涼爽矣。俱脈不應者為難治。如足冷脉沉細而微者，此陰症之煩也。急用參附子，熱劑溫之，又不可不知也。

若發汗後大汗出，煩熱不得眠者，此胃中乾燥也。欲飲水者少，手之尤傷寒，二三日心中憐而煩者，此虛煩也。小建中湯主之。經言少陰病二三日心

中煩不得卧，黃連阿膠湯主之。

黃連炒二錢 黃芩炒一錢 芍藥二錢

鷄子黃一枚

阿膠二錢

右用水二鐘先煎黃連等藥至一鐘，下膠洋盡入

雞子黃攢令化去粗溫服。

若下痢咽痛，曾滿心煩，豬膾湯主之。見咽痛徐下。

○小建中湯

桂枝二錢 灸甘草一錢 膠飴匙

桂枝二錢

炙甘草一錢

膠飴匙

白芍藥三錢

大棗二錢

生姜三片

右用水二鐘先煎桂枝等至一鐘，不膠飴令化去粗溫服。危嘔逆，并中滿與吐衄者不宜服此。

○補中益氣湯

黃芩鹽水炙上當歸身中

人參上

白朮上

升麻下

葛根胡下

炙甘草下

陳皮中

右用水二鐘煎至一鐘服。危陰虛火動而煩者，加知母黃柏俱用酒炒各五分，酒洗生地黃一錢，酒炒黃連七分，麥門冬去心一錢，不得眠加炒酸枣仁一錢。危發汗後煩熱而渴，小便不利者，五苓散主之，或加辰砂丸妙，或辰砂天水散亦可也。其餘藥方以見各條不錄也。

○傷寒煩躁例

煩者心不安而擾々，躁者身不安而憤亂也。凡表

邪不得汗出而煩躁者則頭痛身痛惡寒發熱而脉浮緊也大青龍湯汗之則愈如天道和暖病輕者以十味芎藴散加麻黃石膏汗之或六神通解散汗之亦可凡熱盛脉浮數不得汗出而燥煩者速宜發汗也故經曰傷寒當汗不汗則人躁煩此之謂也凡病大熱錯語呻吟或乾嘔不得眠而煩脉數者黃連解毒湯主之或竹葉石膏湯主之裏有燥屎則繞腹作疼煩躁發作有時者此燥屎作火薰之不得汗出其人心躁心便清血也又火劫躁也凡發汗或下之後晝日煩躁不得眠夜而安靜脉沉微者乾姜附子湯主之又發汗若下之仍不去煩躁者茯苓四逆湯主之脉必沉微細乃可用之凡少陰症吐利煩躁欲死者吳茱萸湯主之凡

陰症身微熱脈沉細手足冷而煩躁者四逆湯主之面赤者加葱白若無脉乾嘔煩者白通加猪膽汁湯主之凡陰極發躁欲坐井中或欲投泥水中卧者其脉沉微足冷不飲水者孫兆口訣用麝靈散主之若或陰寒冷甚者以艾湯下硫黃丸二三錢翌時汗出乃愈此秘方曾救人有驗故錄之以勸也蓋已上皆未為逆至於結胸証具煩躁者死發熱下利厥逆躁不得眠者死少陰病吐利煩躁四逆者死若惡寒而蜷脉不出不煩而躁者死又五六日自利後煩躁不得卧者死此皆煩躁之不救也亦要知之而不可以與藥也

○乾姜附子湯

乾姜二錢

附子生用去皮脐半箇

右二味用水二鐘煎至一鐘溫服一名姜附湯也

○茯苓四逆湯

茯苓四逆湯

茯苓四錢 人參三錢 附子生用三錢

甘草炙一錢 乾姜生用一錢

右煎法同前

○黃連解毒湯

黃連 黃芩

黃柏

山梔仁各二錢

右煎法同

○竹葉石膏湯

人參三錢 半夏一錢 麥門冬二錢

竹葉七片 甘草一錢 生姜三片

粳米一撮

右煎法同前 其餘藥方以見各條不錄

○傷寒頭痛例

頭痛太陽經通主也。凡頭項強痛、腰背強痛、身疼、骨節痛皆太陽也。但脉浮緊者寒在表宜發汗，脉浮緩者為風在表宜和之不可汗也。若發汗宜麻桂。

黃湯加葛根葱白以汗之或羌活神木加葛根葱白亦可。天寒少佐麻黃亦佳。若自汗內有熱者九味羌活湯增損用之。若天寒惡風自汗少佐桂枝芍藥大抵發汗心用麻黃止汗必用桂枝故有汗不得服麻黃無汗不得服桂枝也。詳此二味。冬月為禁用之藥。其餘月分天或暴風寒亦宜用也。亢治太陽無汗頭疼者則麻黃細辛葛根葱白川芎羌活葛木蔓荆子之類有汗者則川芎羌活防風桂枝之類也。

陽明經頭痛額前痛目疼鼻乾脈長也無汗者葛根湯加葱白白芷汗之若有汗曾經幾汗頭疼不解者宜葛根葱白湯主之若有汗曾經幾汗頭疼不熱自汗煩渴脉洪數飲水頭疼者白虎加白芷湯主之。若內實有燥屎蒸令發熱頭痛者調胃承氣湯下之。亢陽明頭痛無汗者葛根麻黃葱白白芷

石膏之属也有汗則白芷石膏葛根川芎也少陽經頭痛頭角痛或耳中痛脉弦數口苦發熱或往來寒熱者並用小柴胡湯和之一方加川芎尤妙蓋川芎亦膽經藥也凡少陽頭痛不分有汗無汗皆以柴胡主之也

太陰頭痛脉浮者桂枝湯加川芎細辛主之脉沈者理中湯加川芎細辛主之有痰者必用半夏橘紅之類也

少陰經頭痛脉沈發熱無汗者麻黃附子細辛湯主之若夾陰傷寒惡寒身倦脉沈者宜附子湯加川芎細辛人參主之

厥陰經頭痛乾嘔吐涎沫者吳茱萸湯主之脉沉微厥冷者必加附子細辛主之

凡血虛頭痛必用川芎當歸氣虛頭痛必用人參白朮黃芪氣血俱虛者必以八物湯加細辛藁本經條下詳焉

蔓荆子之類或補中益氣湯加川芎藁本細辛蔓荆子主之亦佳也矣凡痰証頭痛必以二陳湯爲主加治頭疼之藥也疼火頭疼必用黃芩竹瀝之類要在審察病因而治則無不差矣藥方以見各經條下詳焉

○太陽頭疼吹鼻藥

羌活 防風各二分 紅豆一顆共爲末吹

入鼻中取嚏則愈

一方治傷寒頭疼用川芎草朮良姜各二分白芷一錢細辛六分右為末以搗鼻中取嚏則解如頭痛甚者別用葱白頭連鬚搗爛粗布攬取汁和前藥未成餅烘熱貼兩太陽上以手怕包裹之則愈

○傷寒頭眩目眩例

凡傷寒頭眩者莫不乃因汗吐下虛其上焦元氣之所致也故經曰若吐若下後心下逆滿氣上冲

曾起則頭眩身為振々搖者茯苓桂甘白朮湯主之又曰發汗久出不鮮其人仍發熱心下悸頭眩身瞶動振々欲僻地者真武湯主之按此二方皆溫經補陽之劑蓋頭眩皆因虛也曾治一人服藿香正氣散三劑汗出過多頭眩身搖發熱脉虛遂用人參養榮湯倍加人參為主加天麻少佐酒燉黃柏二服而愈易老曰頭旋眼黑非天麻不能除故加之也少加黃柏以救腎水也凡傷寒脉弦浮舌苔黃口苦咽乾目眩者屬少陽也宜小柴胡湯主之或加川芎天麻尤捷若太陽中風頭眩頭搖者血虛頭眩者以四物湯加人參天麻之類也若伏痰頭眩者二陳湯加南星白朮天麻防風川芎之類若痰火上攻者加酒燉黃芩竹瀝之類也若內傷勞役陰虛頭眩者宜補中益氣湯加川芎天麻

○傷寒項背強例
防風蔓荆子之類若下焦元氣虛脫者宜人參養榮湯或大建中湯加天麻主之也

亢項背強者太陽經主之也經曰太陽病項背強几々反汗出惡風者桂枝加葛根湯主之又曰太陽病項背強几々無汗惡風者葛根湯主之一方有汗者加防風無汗者加羌活亦妙也且几字音殊如短羽之鳥不能飛騰動則先伸縮其頸而兩翅聳動欲飛之貌也一說若几案之屈曲亦通故兩有之又太陽經風痙則脚弓背反張也治見痙症條下一方治項背強用羌活神木湯有汗者加防風白朮去蒼朮少佐桂枝主之若無汗者加葛根麻黃以汗之則愈也

○傷寒頭搖例

凡搖頭有三一者經言搖頭者裏病也蓋內有痛

則頭為搖也宜察痛而治之一者風痙則頭搖口噤也治見痓條一者心絕則頭搖形躄如煙薰直視不可治也。凡頭搖多屬於風蓋風主動搖也。凡風脈必得弦而急宜治風則愈也如神木湯加防風天麻全蠍疆蚕之類主之。

○傷寒無汗例

凡無汗者寒邪初客於榮也閉其腠理則無汗脉必浮緊也又熱邪怫鬱在表亦無汗其脉浮數也凡太陽經剛痙則無汗少陰經脉沉癰熱則無汗陽明病本自汗若身如虫行皮中此久虛故也則無汗又熱病熱甚躁急不得汗出此陽脉之極也又熱病不得汗出發狂者而有汗生而無汗死也治見各條宜詳究焉古人書謂三陰症與陰易皆無汗按仲景厥陰症條內大汗出熱不去內拘急四支疼又下利厥逆而惡寒者四逆湯主之宋迪

又曰額上半背冷汗出者陰毒傷寒也以此言之陰症豈得無汗也哉

○傷寒自汗盜汗例

自汗者不由發汗而自出也凡傷風則惡風自汗傷濕則身重自汗中暑則脉虛自汗中暯則煩渴自汗湿溫則妄言多汗風溫則虧睡自汗霍亂則吐利自汗柔痙則搐搐自汗陽明病則惡熱濶々汗出陰虛勞役則身倦自汗亡陽則汗多遂漏不止各有本條宜詳審而治之惟衛氣不與榮氣和諧藏無他病時發熱而汗自出桂枝湯和之漏風亡陽者桂枝附子湯主之凡陰症四支逆冷額上及手背冷汗出脉沈者急宜四逆湯溫之凡自汗出小便難脉沈者桂枝附子湯加茯苓主之凡四肢厥逆而疼惡寒自汗脉沈者四逆湯主之凡自利厥逆大汗出者四逆湯主之若發熱而利自汗

不止者死。若大汗出熱反盛，狂言不食者死。若汗出髮潤喘而不休者死。若汗出如珠轉出不流者死。若冷汗如油，四肢厥冷者死。若蒸汗發黃環口黧黑者死。已上自汗而有死生之別不可不察也。凡盜汗者，病人睡着而汗出也。經曰：陽明病脉浮者必盜汗出也。蓋浮脉乃陰虛火動所致宜當取六黃湯或玉屏風散主之。

○傷寒頭汗例

凡陽明病脉洪數而熱盛，但頭汗出，剝頸而還渴飲水漿小便不利者，必發黃也。蓋陽明痰熱已甚，汗不得越也。若通身汗出，則為熱越不發黃也。又下血讌語，但頭汗出者，此為熱入血室，宜刺期門隨其實而寫之。又用大黃取汗，但頭上微汗出及額小便不利亦發黃也。凡飲水過多為水結脅者亦頭汗出也。若往來寒熱胸腹滿而頭汗出者，此亦頭汗出也。若額上及手背熱，然冷汗出者，此屬陰寒氣結而為積也。宜溫中湯加木香枳榔主之。不可下也。若額上及手背熱，然冷汗出者，此屬陰寒，宜急溫之以回逆湯，蓋不可不辨也。

屬少陽也。凡中濕誤被覆向火，亦頭汗出也。治見各有本條。若中濕誤下之頭汗出，小便不利者死。凡關格不得尿，頭汗出者死。若元氣下脫，額上汗如貫珠轉出不流者，蓋頭汗而有死生之分要在審詳而已。

○傷寒半足心腋下汗例

凡傷寒潮熱半足心并腋下濶々汗出者，為實也。若大便秘，鞭者以大柴胡湯下之。若大便不鞭者，且與小柴胡湯和之。若病人半足熱，汗出大便難而讐語者，此有燥屎也。宜調胃承氣湯下之。若陽明病不能食，小便不利者，半足濶然汗出者，此欲作癟瘕，大便必初鞭後溏。此胃中虛冷也。癟瘕可下也。若額上及手背熱，然冷汗出者，此屬陰寒，傷寒宜急溫之以回逆湯，蓋不可不辨也。

○傷寒身痛例

凡太陽經病脉浮緊身躄痛骨節疼惡寒無汗者以麻黃湯汗之若輕者以羌活神木湯少加麻黃以汗之若自汗者不可汗以九味羌活湯和之。凡少陰手足寒身躄痛骨節疼脉沈者附子湯主之。然此陰陽二証一般身疼用藥則稍去霄壤浮沈之脉要在指下諸識若誤發少陰經汗則為下厥上渴而死可不慎哉。凡風濕一身盡疼身重不可轉側中濕亦身重而疼小便不利也。霍亂則吐泻止而身躄痛者宜桂枝湯主之。表裏俱寒者身疼下利清滯也。先救裏宜四逆湯。救表宜桂枝湯也。陰毒傷寒身如被杖之疼則脉微冷也。勞倦亦身躄疼則脈虛困倦也。各詳見本條宜辨之也。

○傷寒舌胎例

凡舌胎者舌上生胎或黃或白或黑或滑或澀也。

蓋邪熱在表未傳入裏則無胎。若邪熱入裏則生胎也。凡胎白而滑者表寒猶未解也。若半表半裏之熱脉弦者此屬少陽也。舌上白胎口苦而發熱者小柴胡湯主之。若胎黃而澀者此熱漸深也。宜小柴胡湯去半夏加桔梗根黃連之類主之。凡陽明病脹下鞭滿不大便而嘔舌上白胎者小柴胡湯主之。陽明病發熱心中懊憹者梔子豉湯主之。若熱深聚于胃舌上黃胎而燥口渴飲水者人參白虎湯主之。若內實不大便者以調胃承氣湯下之。若火極似水亢極反見水化舌黑而燥渴飲水者大承氣湯主之。凡陰極水反未刑火者亦生黑胎也。但胎滑而不燥不澀不渴而脉沈微足冷者急宜四逆湯溫之。凡舌上燥裂或腫或赤澁煩渴表裏俱熱欲飲水致外者人參白虎湯主之。大抵舌乃

心之苗象离而色紅也若黑者或紫黑水來刑心
火多難治也凡藏結舌上胎滑者不治熱病口乾
舌黑者死中濕舌上如胎者丹田有熱而胷中有
寒也如者似胎未成之狀俱詳見本條


○傷寒動氣例

凡病人有動氣者則發于腑之四傍中央也但築
築然悸動是也蓋肝發于左肺發于右心發于上
腎發于下脾發于中也凡看傷寒必問病人有無
腑傍動氣但言有此動氣須以手按其處牢而若
痛築々動者是也便不可發汗攻下也經曰動氣
左右若發汗則頭眩汗不止筋惕肉瞤若下之則
腰內拘急食不下動氣更劇雖有身熱卧則欲倦
也動氣在上若發汗則氣上冲正在心端若下之
則掌握熱煩身上浮冷熱汗自泄欲得水自濯也
動氣在下若發汗則無汗心中大煩骨節苦疼目

○傷寒口渴例

運惡寒食則反吐不得前也若下之則腹脹滿卒
起頭眩食則下利清穀必下瘧也蓋臍中動氣仲
景獨不言之以脾為四肢之本動之尤甚而不可
汗下也此乃真藏之氣本虛而發故不可不察之

凡渴當分六經而治且夫太陽經標熱在表則不
渴若熱傳入膀胱之本則煩渴脉浮數小便不利
也五苓散主之切不可與白虎湯凡陽明病脉長
標熱無汗而渴者葛根解肌湯或六神通解倍加
葛根以汗解之若陽明熱傳于胃中本熱惡熱濶
久汗出而渴脉洪數者人參白虎湯主之切不可
煩渴舌燥口乾飲水大便实者須以大柴胡湯或
調胃承氣湯下之若未实且未可下者只宜小柴
胡湯增損主之凡少陽脉弦數口苦咽乾發熱而



渴者小柴胡湯去半夏加桔梗根湯主之苦心煩喜嘔而渴胃滿腸疼而渴心下痞滿而渴日晡潮熱而渴往來寒熱而渴並宜小柴胡湯去半夏加桔梗根也凡先嘔後渴者此為欲解先渴後嘔者為水停心下也治見本條凡太陰自利則不渴惟少陰有口渴飲水小便色白者此下虛有寒也脉沉者附子湯主之凡厥陰口渴欲飲水者少與參白虎湯主之凡陰症煩躁口渴不能用水脉沉之愈若身寒厥逆脉滑而口渴者此裏有熱也人足冷者宜四逆湯冷飲之凡傷寒時氣等症欲飲水者為欲愈蓋得水則能和其胃氣汗出而解也人若不與水則乾燥無由而作汗遂至悶亂也大抵與水當察病人大小壯怯邪熱之輕重多少與之苦人壯熱盛者必多與之人怯熱少者必少與之要少在得中而已或從不及不可太過也若水多熱少

止

不能滲化則停畜為害多矣此所以前病未除新病更起可不謹哉凡與水須新汲井水以滿碗與之熱多能飲者一半而止熱少者只可與三四而止也少頃又欲飲水少之再與之如碗內水少則不涼湏滿碗則涼氣重也凡熱病熱甚大便寢者以玄明粉一二錢加入水中飲之最妙凡中暑煩渴者以下則不得停畜也凡熱病熱甚大便寢者以玄明粉一二錢加入水中飲之最妙凡中暑煩渴者加辰砂天水散調入水中尤妙如虛人煩渴不可飲茶湯白梅湯羹豆湯清米湯皆可飲之若胃弱者以炒黃米湯飲之凡口渴者香水梨雪梨嫩蘿涼西瓜皆可少用之橘子湏去囊但吃其漿則可也凡用冰湏以涼水洗過一二遍乃可用之若不洗去鹽味其鹹反作渴也若臘水雪最解煩渴矣凡丹華水一夜不曾動至天明初取者是也可解

○傷寒

煩渴用之也

例

凡衄者鼻中出血也吐者口中吐血也然吐者左甚于衄也蓋太陽病邪熱在表怫鬱無汗當發其汗而不發之則邪熱無由而解壅遏於經迫血上行而為或吐或衄也凡得衄血而解者邪之輕也若邪重者雖衄血亦不解也仲景治例凡吐血衄見或問中設若脉不浮緊亦無身疼者切不可妄汗也若汗之則禍不旋踵也經言大陽病口乾鼻燥脉浮緊者必衄也又傷寒脉浮緊無汗妄熱八九日不解表證仍在當妄其汗或服藥以微除其人妄煩目瞑劇者必衄之乃解若不解者陽氣重故也宜麻黃主之按此治例全在察脉之精然其治與吐血同法也經言陽明病口乾鼻燥者必衄

也凡欲漱水不欲嚥者必衄也凡脉如懸鉤者必衄也脉來輕之在皮肉間尺中自浮目睛暉苗必衄也凡脉浮數口乾鼻燥熱者必衄也凡吐衄血無表証脉不浮緊者不可妄汗也東垣曰脉微者宜黃芩芍藥湯滑數者犀角地黃湯主之熱盛血不止者河潤生地黃散古方四生丸人虛者東垣麥門冬飲子三黃補血湯主之若不止者活人萬根散茅花湯主之也已上皆治吐血衄血之良方但在出入通變也大抵衄血吐血脉滑小者生寒大者死或吐或衄後脉微者易治若熱反盛脉反數急者死也若衄而頭汗出或身上有汗不至足者乃難治也凡血得熱則行得冷則凝見黑則止所以犀角地黃湯中加好京墨汁一二匙攪藥令黑與之最効也

○黃芩芍藥湯

○治衄血、吐血

黃芩三錢

芍藥三錢

甘草一錢

茜根散

右用水二錢、煎至一錢、去粗濾清、過口服。

○治鼻衄吐血不止

蓋草根三錢

阿膠一錢半

黃芩二錢

側柏葉一錢五分

甘草一錢

生地黃二錢

右用水二錢、先煎茜草等葉至一錢、下膠令洋盡、

去粗溫服。

○河潤生地黃散

治衄血、吐血、咯血、嘔血、瘀盛者

枸杞子一錢

紫胡一錢

黃連一錢五分

地骨皮一錢

熟半一錢

天門冬去心一錢

白芍藥二錢

甘草一錢

黃芩一錢五分

生地黃二錢

黃芩一錢

○用二錢煎至一鐘服。若下血加地榆槐花各一錢五分。

○三黃補血湯

治衄血、下血、人弱者、服之即止。

熟地黃二錢

生地黃二錢

當歸二錢

軟柴胡五分

白芍藥三錢

升麻一錢

牡丹皮一錢半

川芎一錢

黃耆一錢

○四生丸

治吐血、衄血、熱盛血妄行者。

生荷葉

生艾葉

生柏葉

生地黃各等分

○犀角地黃湯

治傷寒熱盛吐血、衄血或汙下不鮮、鬱干經絡隨

氣滯泄為衄血或清道閉塞流入胃中吐血或吐之不盡停畜腹中小便自利大便黑色其人喜忘如狂並皆治之

犀角生者镑屑二錢

生地黃二錢
白芍藥二錢
牡丹皮二錢

未有知無竹麻代

右作一服水二鐘煎至八分溫服一方加升麻二錢當歸尾一錢半黃芩二錢山梔仁一錢半別用生薑節搗汁生扁柏葉搗汁磨好京墨濃汁三匙加入湯內攪令黑色服之則愈如腹中有瘀血未下加桃仁去皮一錢紅花一錢酒浸大黃二錢以下加桃仁紅花各二錢衄血不止者白芨一味涼水磨濃汁塗封兩眉心即印堂上如錢大若乾即又頻塗之即愈或用吳茱萸末醋調塗左脚心以拔上熱之火也大蒜搗餅貼之亦可或用亂髮燒灰吹

鼻中或以茅花塞之亦可凡吐血不止以三稜鍼刺衝陽穴出血最効

○拔粹方犀角地黃湯
治熱鬱血結上焦寸口脉芤吐血不盡

生地黃二錢黃芩一錢半黃連一錢半

牡丹皮一錢半

大黃酒浸三錢

右煎法同前

○傷寒畜血例

凡畜血者瘀血畜結於內也蓋傷寒病在太陽當汗不汗則瘀熱在裏必血結也大抵看傷寒必察病人心下兩股少腹但有鞭滿處以手按則痛者便當問其小便何如若小便不利乃水與氣也若小便自利者為有血也經曰太陽病不解熱結膀胱其人如狂血自下下者愈也若不愈但火脹急結者畜血也如無表証者桃仁承氣湯下之若有

表証宜先解表証然後下之又大陽病六七日脉微而沈反不結胷其人収狂者以熱在下焦少腹當鞭滿小便自利者下血乃愈所以然者大陽隨經療熱在裏故也宜抵當湯主之又大陽病身黃脈沉結少腹鞭小便不利者為無血也若小便自利其人如狂者血證諦也宜抵當湯主之又傷寒有熱少腹滿者應小便不利今反利者為有血也當下其血宜抵當丸主之又陽明病其人喜忘者必有蓄血也所以然者久有瘀血故令喜忘也屎雖鞭大便反易其色必黑抵當湯下之凡喜忘者肩中手不可近犀角地黃湯主之中腕手不可近者桃仁承氣湯下之脅下少腹手不可近者抵當湯下之也蓋傷寒蓄血最為微妙多人不識而能識者則啞手取効可為妙也

○桃仁承氣湯

桃仁去皮尖用三錢

桂枝二錢

大黃酒浸四錢

芒硝二錢

甘草一錢

通口服

右用水二鍾煎至一鍾下芒硝更煎一二沸去粗

○抵當湯

水蛭十箇炒焦黑用

蟻蟲十箇去翅炒用

桃仁十箇去皮尖用

大黃三錢病甚力壯者倍用

右用水二鍾煎至一鍾瀝清溫服

○抵當丸

水蛭二十箇炒焦黑
桃仁二十箇去皮尖
右四味杵爛分為四丸每服一丸水二鍾煎一鍾

大黃三兩酒浸

○屏角湯 去粗溫服。眸時取下血、不可再服也。

○屏角

生地黃湯 生地黃二錢 黃芩一錢半 黃連一錢半

大黃五錢酒浸

右用水二錘煎至一錢去滓通口服。

○生地黃丸

治病人七八日後兩手脉沉遲細微、脣冷脣下滿或狂或燥大便實而色黑小便自利者、此畜血證具也。若年老及年少氣虛弱者宜此方主之。生地黃自然汁壹升如無生地黃只用生乾地黃二兩乾漆半兩炒烟燉盡生藕自然汁半升如無藕用刺薊汁半升如無用刺薊末一兩藍葉壹握切碎乾者用末半兩 蟲蟲二十箇去翅足炒內炒黃 水蛭拾箇炒 大黃壹兩剉如骰子大桃仁半兩研碎

○傷寒嘔吐例
右一處入水三升半同慢火熬及二升以未放冷分三服授一服至半日許血未下再授之此地黃湯比抵當湯丸其勢甚輕如無地黃與藕汁計升數添水同煎抵當丸恐用之大過有不止損血之候故立此湯

○傷寒嘔吐例
凡嘔逆者有聲而無物也、一曰乾嘔也、逆者氣上逆而為嘔也、嘔吐者有聲有物旋出也、初得之嘔逆嘔噦清水嘔吐飲食者背著寒傷胃也、如惡寒拘急未發熱而嘔逆或吐食者宜加減藿香正氣散主之、或人參養胃湯亦可用也、若以發熱者十味芎藭散之天寒少加麻黃倍用生姜主之、或葛根湯加生姜半隻以汗之若有自汗者不可發汗也、宜正氣散去紫蘇以和之、凡陽明壯熱目疼鼻乾嘔而無汗者葛根加半隻生姜湯主之、若

太陽陽明合病下利而嘔者葛根加半夏生姜湯
主之大陽少陽合病自下利而嘔者黃芩湯加半
夏生姜主之凡食穀欲吐者屬陽明也吳茱萸湯
主之得湯反劇者屬上焦也以葛根半夏生姜湯主
之凡胃中有熱胃中有邪氣腹中痛欲嘔吐者黃
連湯主之凡嘔多者不可下下之則利不止者死
利止者愈凡傷寒發熱口苦而嘔脈弦者少陽也
心煩喜嘔者少陽也冒腹滿而嘔者太陽也若往
來寒熱而嘔日晡發熱而嘔皆屬少陽也並宜小
柴胡湯倍用半夏生姜主之熱者湏去黃芩口
乾者必加葛根心煩喜嘔者必加姜炒黃連主之
心下痞悶者枳實主之若潮熱內寢不大便嘔
不正心下鬱々微煩者大柴胡湯下之凡大陰腹
滿吐食不下或腹痛嘔吐脉沈者理中湯加半夏
陳皮藿香厚朴生姜之類主之寒甚者必加附子

主之凡少陰脉沈遲飲食入口即吐心下溫々欲
吐復不能吐手足寒者四逆湯或姜附湯主之凡
厥陰乾嘔吐涎沫者吳茱萸湯主之若嘔而脉弱
小便復利身有微熱見厥者為難治宜四逆湯主
之若下利無脉乾嘔煩者白通加猪胆湯主之凡
病後餘熱在胃口虛羸少氣々逆欲吐者竹葉石膏
湯主之若胃中有痰有熱而嘔者橘皮竹茹湯
加炒黃連主之凡治嘔吐不可缺生姜也孫真人
謂嘔家聖藥是生姜也仲景謂嘔家不喜甘凡甘
草糖甜之物皆不可用也如用甘草則少々用之
凡先嘔後渴者為欲解先渴後嘔者為水停心下
宜茯苓半夏湯主之小便不利者五苓散主之
也凡冒寒嘔吐不止者藿香陳皮半夏厚朴乾姜良
治冒寒而嘔吐者則藿香陳皮半夏厚朴乾姜良
姜丁香之類也治冒熱而嘔吐者則竹茹葛根黃

連黃芩石膏之類也。治胃虛而嘔逆者，則人參白朮茯苓陳皮半夏乾姜白豆蔻之類也。凡嘔而不止者，藥內心少加生姜汁一二匙服之最効。凡服藥宜徐々呷下，不可急也。凡遇藥不可用枣子糖辨之，物還嚼生姜，則為常也。

○加減藿香正氣散

治中寒嘔吐，胃膈滿悶，停滯感寒，頭疼增寒。

藿香上

厚朴中

陳皮上

炙甘草下

半夏中

白朮中

茯苓中

紫蘇中

乾生姜中

右用水二鍾煎至一鍾去滓徐服如頭疼加川芎白芷腹中痛加炒白芍藥若有熱口乾加葛根胸膈滿悶加枳殼心下滿悶加枳實宿食不化加青皮杏附砂仁嘔吐不止加生姜汁若苦頭疼加細辛若有表寒加柴胡葛根主之也。

○吳茱萸湯

治食穀欬嘔者，乃陽明也。

吳茱萸三錢

人參二錢

生姜五片

大棗一枚

白朮二錢

乾姜一錢

桂枝五分
大棗一枚
半夏二錢半
右煎法同前

○黃連湯

治胃中有熱，胃中有邪氣，腹中痛欬嘔吐者。

黃連二錢

甘草炙五分

乾姜一錢

桂枝五分

人參一錢半

半夏二錢半

右煎法同前

○理中湯

治太陰腹疼嘔吐。

人參二錢

甘草炙五分

白朮二錢

乾姜二錢

右煎法同前。凡嘔吐加藿香三錢厚朴一錢陳皮二錢半隻二錢。若小便少者加茯苓二錢嘔吐不止加丁香一錢。

○藿香安胃湯

治嘔吐不止者

藿香二錢 半隻三錢 陳皮二錢
白朮一錢半 茵草半錢 乾生姜一錢
白茯苓一錢半

右煎法同前一方加丁香十四粒

○傷寒嘔逆嘔氣例

凡嘔氣有同也。但嘔聲短而小。嘔聲大而長也。蓋嘔為輕嘔為重也。太素曰木陳者枝葉枯病深者其聲嘔也。活人書曰其人本虛攻其熱則嘔又曰飲水則嘔。蓋胃中虛冷故也。靈樞經曰嘔者寒氣與新穀氣俱入胃中。新故相亂。真邪相攻氣并相

逆故為嘔也。王註曰嘔者氣併也。併者敵也。凡嘔氣者保命集謂胃中氣不交通也。靈樞經曰寒氣客于胃厥逆從下上復出乎胃。故嘔氣也。經曰傷寒汗下後不解心下痞悶噫氣不除者。旋覆代赭湯主之。經曰凡嘔而腹滿者當視其前後何部不利利之則愈。若大便不利人寢者可以小承氣湯利之。利若大便不利人寢者可以小承氣湯利之。利下之人弱胃虛者只可用蜜導或猪膽汁取之。若小便不利者以五苓散加木香利之。或用生姜七片葱白頭十四箇淡豆豉七十粒共搗成餅加麝香少許烘熱貼臍上以帛繫定仍用皂角用炭火熨其上令熱氣入腹則大小便通矣。活人書曰嘔氣手足冷者小橘皮湯主之。嘔而煩者橘皮竹茹湯主之。嘔而有痰者在胃口者加味竹茹湯主之。凡病後胃中虛冷脉沉遲而嘔者理中湯如丁香附子之類主之。脉不沉遲者只宜用六君子湯加藿

杏丁杏乾生姜之類主之也、凡嘔噦不止者、少佐生姜自然汁加之、凡服藥必徐々服下、更嚼生姜尤妙、大抵病後嘔噦或久病胃虛不食足冷脉遲微者多難治也

○小搗皮湯

陳搗皮

生姜各一兩

右水二鐘煎至一鐘去粗徐々服

○茯苓半夏湯

治心下有水而嘔噦者、
茯苓五錢 半夏五錢

右煎法同前

○搗皮竹茹湯

治胃虛或煩有熱嘔噦或有痰飲者、
人參二錢 白朮一錢 茯苓二錢

竹茹一團 炙甘草五分 生姜五片

右煎法同前

陳皮二錢 大棗一枚
右煎法同前

○姜汁半夏湯

治嘔噦不止、
半夏一兩湯泡七次去皮臍切片用之

用水二鐘煎至一鐘別搗生姜自然汁五匕入藥內、徐々服之

○旋覆代赭湯

治心下痞噫氣不除者、
旋覆花二錢 人參一錢 生姜五片

代赭石煅一錢 甘草炙一錢 半夏二錢
大棗二箇 煎法同前

○加味竹茹湯

治胃中壅熱而嘔噦者、
橘紅二錢 半夏二錢
茯苓二錢

茯苓二錢

甘草五分

竹茹一團

黃連姜炒一錢


葛根一錢半

右煎法同前若心下痞滿加綠枳實麸炒一錢

○傷寒吃逆例

凡吃逆者氣上逆而為吃忒也醫方或以為欬逆者非也經曰欬逆上氣肺散者死謂其形損故也成無已註引千金方云欬逆上氣乃欬嗽也言心火以刑肺金肺受火尅其氣貫逆而為喘嗽也若肺絕則肺散皮毛焦折而死故曰刑損也與吃逆何相干哉又以為嘔者亦非也蓋嘔者其聲大而長即此字之聲是也與吃忒之聲大不同矣然吃忒有因胃熱失下而作有因胃中有痰飲而作有因寒涼過多胃中虛冷而作且其氣皆從胃中起至胃益之間而為吃忒矣易老治法失下胃熱內寒大便軟者以承氣湯下之便軟者以浮心湯主

之胃虛有熱者橘皮竹茹湯主之有痰飲者半夏生姜湯主之或茯苓半夏湯主之若胃冷者橘皮乾姜湯加味理中主之也要畧言其氣自膈下直冲於胃益間吃逆者此陰症也其病不在胃也旦病下虛內以伏陰或誤用寒涼遂至冷極於下迫其相火上冲率集於胃中而為吃忒亦欲盡也病人煩躁自覺甚熱他人以手按其脣則冷此為無根失守之火散亂為熱非實熱也乃水極反似火則陰症類似陽也若不識此誤用涼藥下嗌則斃可不冤哉凡治湏用活人恙治附子散或加味附子湯急溫其下真陽回陰火降吃逆乃止也如艾或灸期門中脘氣海關元亦佳也但要取手足溫緩脉生陽回陰退則可生矣浮心湯



半夏三錢 黃芩炒一錢 乾姜炮一錢
人參一錢半 大棗二枚 黃連姜炒二錢

甘草炙五分 加茯苓一錢半

右用水二錘煎至一錘通口服

○橘皮竹茹湯

陳皮二錢 白朮二錢 乾生姜一錢

半夏二錢 炙甘草五分 大棗一枚

人參二錢 竹茹二圍

若內煩熱者加姜炒黃連一錢 若心下痞悶加枳實一錢 口乾作渴加葛根一錢 小便少加茯苓二錢 表熱未解加軟苗柴胡二錢

○小柴胡湯

治陽症吃逆發熱口苦 香薷中滿悶脈弦者
軟苗柴胡三錢

黃芩炒一錢 半夏二錢

人參二錢 大棗二枚

生姜五片

右煎法同前 若心中煩熱甚者 加姜炒黃連一錢

○橘皮半夏湯

陳皮 半夏各五錢

右水二錘煎六分加入生姜汁三分服

○橘皮乾姜湯見嘔吐條

○加味理中湯即理中加丁香一錢 橘紅二錢 半夏二錢 柿蒂炒五分

○羌活附子散

治陰症內寒嘔逆者


羌活一錢 附子炮半錢

茴香炒一錢半

丁香一錢半 乾姜炒一錢半

右用酒二錘入盃 一捻煎至一錘通口服

○加味附子湯



人參二錢

白朮二錢

白芍藥炒一錢

白茯苓二錢

附子用平正大者一箇生姜自

然汁和麪包裹於熒灰火中煨熟去皮臍切作

八片用

乾姜炒二錢

肉桂一錢

吳茱萸一錢

茴香炒一錢

沉香一錢

丁香一錢

右煎法同前

○本事方

治陰症吃逆

川烏一錢

乾姜炮一錢

附子炮二錢

肉桂半隻一錢半

白芍藥二錢

甘草炙一錢

如大便連日不通加酒蒸大黃一錢枳殼一錢半

右用水二鍾生姜五片煎一鍾通口服

吳茱萸一錢半

○硫黃龜鼻法

治陰症吃逆不止

硫黃

乳香各二錢

右為細末用好酒一鍾煎數沸乘熱令鼻龜之一

○灸期門法

治吃逆不止

婦人屈乳頭向下盡處骨間動脈是穴女子并男

子乳小者以手一指為率脂中動脈是男左女右

父炷炙五壯或三壯可也

○傷寒胃腸滿例

凡胃腸滿者乃傷寒自生滿非下之所致也若下之而胃脹滿者則為結脅別有條也經曰痛人手足冷脉乍緊邪結在胃中心下滿而煩飢不欲食病在胃中宜吐之又曰寸脉微浮胃中痞鞭氣上冲咽喉不得息者此為胃中有寒也當吐之宜瓜

蒂散吐之人虛者以人參蘆湯吐之或以杏仁散飲下一甌以手探喉中吐之亦可凡傷寒三四日以傳少陽經病脉弦口苦苔熱而胃滿者此屬小柴胡湯主之也若胃中滿悶者枳壳桔梗各二錢以利之若胃滿而煩者加桔萎仁二錢主之若服下痛者加枳壳青皮桔梗川芎芍藥各一錢半主之若服下鞭者加牡蠣粉二錢若胃滿心煩者加瓜萎仁二錢黃連一錢半主之若增寒拘急或往來寒熱而胃胸滿者以小柴胡湯加桂枝一錢白芍藥二錢主之活人書治胃滿氣痞不寬只用枳壳桔梗各五錢生姜五片主之名曰枳壳湯也大抵枳壳能浮至高之氣枳壳能浮至低之氣故心之上胃之分枳壳浮之心之下胃之分枳壳浮之也凡瓜萎仁能浮肺洗滌胃中痰垢之要藥也故胃滿而煩者必加之法治氣痞胃滿用小麥

○傷寒自利治例

數一二升以生枳壳切片同炒令熒去枳壳以帛包熱熨熨胃中頻易熱者則氣易散而愈矣

凡自利者不因攻下而自浮利倍言漏底傷寒者此非痢疾也蓋深利有收熱而利有收寒而利要在辨而治之庶無差矣原病式曰浮白為寒青黃紅赤黑皆為熱也大抵浮利小便清白不澀完谷不化其色不變有如鶯溏或吐利腥穢小便澄澈清冷口無燥渴其脉多沈或細或遲或微而無力或身雖發熱手足逆冷或惡寒踴卧此皆屬寒也凡熱症則口中燥渴小便或赤或黃或淡而不利且所下之物皆如垢穢之狀或黃或赤所去皆熱臭氣其脉多數或浮或滑或弦或大或洪也皆燥渴小便赤黃以此別之矣凡三陽經合病則生有邪熱不殺穀其物不消化者但脉數而熱也口


自利也。經言大陽與陽明合病必自下利。葛根湯主之。其脉必浮而長也。若大陽病誤下之。早利遂不止。脉促者表未解也。喘而汗出者葛根黃芩黃連湯主之。大陽與少陽合病必自下利。黃芩湯主之。其脉必浮而弦也。若陽明與少陽合病必自下利。其脉弦而長滑者乃有宿滯也。宜小承氣湯下之。凡下利煩熱而渴小便不利者宜五苓散主之。若內熱心煩者更加炒黃連主之。若腹中痛加炒白芍藥主之。須去黃芩。若陽明病下利心煩不得眠小便不利者猪苓湯主之。凡下利譏語者此有宿食也。宜小承氣湯下之。凡下利脈滑而數者乃燥屎也。宜小承氣湯下之。凡下利更煩心下滿。按之軟者虛也。梔子豉湯主之。凡下利熱水深注下小便利口渴者五苓散加滑石木通車前子之類。

主之。若腹痛加炒白芍藥和之。凡內虛冒熱煩渴渙利。脉弱者七味人參白朮散和之。若癓熱者參

胡三白湯去黃芩加炒黃連主之。已上皆治熱利之法也。

凡大陰經下利而不渴。脉沈者理中湯溫之。如寒甚逆冷脉沉細者加熟附子半箇以溫之。若腹滿小便不利者五苓散合理中湯主之。若嘔者加藿香半隻陳皮生姜之類以和之。如濕多而溼不止者加蒼朮倍用。白朮如腹脹者加厚朴。腹疼不止加炒白芍藥肉桂木香溫之也。

凡少陰自利而渴小便色白者虛故引水自救下虛有寒故令色白也。附子湯主之。凡泄利下重四逆者四逆散主之。若脉沉遲必用附子溫之。凡傷寒四五日腹痛小便不利四肢沉重疼痛自下利者此有水也。真武湯主之。凡下利脉微者白通湯



主之若厥逆乾嘔煩無脉者白通加猪胆汁湯主之服湯後脉暴出者死微續者生若下利咽痛曾滿心煩者猪膚湯主之凡下利清穀裏寒外熱手足厥冷脉微欲絕其人面赤或咽痛者通脈四逆湯主之若下利清水色純青心下必痛口乾煩者急下之宜大承氣湯主之凡下利惡寒而踴手足溫者可治逆冷無脉者不治也若下利止而頭眩時自冒者死凡下利煩躁不得卧寐者死凡下利便膿血者桃花湯主之凡吐利手足厥冷煩躁欲死者吳茱萸湯主之也

渴脉弱者今自愈下利脉數有微熱汗出者令自愈設脉緊者為未鮮也凡下利脉沈弦者下重也脉大者為未止脉弱者為欲自愈也雖發熱不亢下利脉沉而遲其人面少赤身有微熱下利清穀者必欬冒汗出而解也若微厥而戴陽利不止者附子湯主之也凡下利脉數而渴者令自愈設不差者必便清膿血以有熱故也凡下利脉絕手足厥冷時脉還手足溫者生脉不還者死若下利日十數行脉反寢者死若下利厥逆躁不卧者死若發熱下利至甚厥冷者死若傷寒六七日不利便發熱而利其人汗出不止者死蓋有陰無陽故也凡發熱而手足厥冷七日下利者為難治也已上皆三陰經寒利之法也

凡傷水作利脉浮表未鮮者仲景以小青龍湯去麻黃加荳蔻二錢炒令赤色加之蓋散表邪兼治

水也。若小便不利，大便水浮不止者，宜五苓散主之。水甚不解者，亦加茺花一錢主之。按仲景用茺花治利者，非止利之藥，蓋茺花能行水去利，止之意也。凡下利功不利，茺汗當先治利。止內寒正氣得復，邪氣自解，則汗出而愈也。蓋下利為內虛，若加茺汗，則內外皆虛，變証為難治也。凡下利清穀者，糲不化也。此胃虛內寒，故水穀不變而下也。宜急溫其裏，不可別治也。

○葛根苗連黃芩湯

葛根上

黃芩中

黃連中

甘草下

右作一服，水二錘煎至一錘，去粗通口服。

○黃芩湯

黃芩上炒

黃連中炒

白芍藥中炒

甘草下

大棗二個

○葛根湯

葛根上

黃芩中

黃連中

甘草下

○右前法同前

若癰熱加軟苗柴胡二錢，若深多加白朮二錢。若小便少加赤茯苓一錢五分。若腹疼多用炒芍藥。可用黃芩苗連。如嘔者加半夏一錢。生姜五片。嘔而有痰氣逆者，更加橘紅二錢最佳。

○葛根湯

方見陽明例。

○小柴胡湯

治癰熱下利，加減法。

人參中

黃芩中

甘草上

半夏中

大棗二枚

生姜三片

右煎法如前。

若腹痛去黃芩，加炒白芍藥二錢，口乾作渴，加葛根二錢。小便少加赤茯苓一錢半。大便自利甚小。

便不利煩渴者加白朮二錢半茯苓二錢猪苓澤浮各一錢五分若熱甚者更加滑石二錢若寒腹痛自利脉弦遲加肉桂一錢乾姜五分若惡寒煥甚煩渴者倍用炒黃芩炒白芍藥和之几下利口燥舌乾作渴或不渴者此內虛津液少也不可加天花粉蓋天花粉能利大腸也但大便浮利煩渴者只可加葛根人參白朮茯苓麥門冬烏梅之類以和之也

○猪苓湯

治自利心煩不得眠小便不利者

猪苓上

澤泻中

滑石中

赤茯苓上

阿膠中

右用水二鍾煎至一鍾下阿膠烊盡去粗溫服

○五苓散

治症同方見太陽例

○防風芍藥湯

治浮利身熱脉弦腹痛或頭疼自汗者

防風上

芍藥上

黃芩中

右用水二鍾煎至一鍾去粗通口服

○白頭翁湯

治熱利下重者

白頭翁二錢

秦皮各二錢

右用水煎至一鍾服

凡大柴胡湯小承氣湯大承氣湯皆主下利之藥也蓋傷寒內實腹中有燥屎結滯則稀糞水從傍流下為利也故其脉則滑數有力或潮熱譏語乃可下之必再以手按臍腹少腹鞭痛者是也三方俱見陽明例條下此為通因通用之法妙在能識之矣

○治協寒自利之劑

○理中湯

治寒下利如鰲溏或米穀不化手足寒脉沉遲

或腹疼者

人參中

白朮上

乾姜中

甘草炙下

右用^水二鍾煎至一鍾去粗通口服

若脈虛人弱者宣倍加人參若虛浮多者倍用白
术內寒脉沉者倍乾姜脉沉遲逆冷者必用藥附
子溫之若腹中疼甚者去白朮加炒白芍藥佐以
肉桂和之若小便不利而浮口渴者此水穀不分
別也宜五苓散合理中湯用之若浮利嘔逆或吐
者加藿香半隻陳皮生姜和其胃氣也若氣不調
用木香^{或吃逆不止}更加丁香良姜尤妙若若
藏寒浮不止加肉豆蔻訶子以固之若臍下悸者

此腎氣動也去白朮加肉桂主之仲景治霍亂吐
浮寒多不飲水宜此湯主之要在出入增損用之
則為妙矣

○人參白朮散

治脾胃虛弱寒下利或口乾煖熱者

人參上

白朮上

白茯苓中

木香下

葛根中

炙甘草下

藿香中

生姜三片

大棗二枚

右煎法同前加減例亦同

○附子湯

治少陰症下利內虛脉沉者

附子炮去皮臍用三錢

人參二錢半

白朮三錢 白芍炒一錢半

右煎法同前

○真武湯

治少陰症下利內虛脉沉者

附子炮去皮臍用三錢

人參二錢半

白朮三錢 白芍炒一錢半

治少陰症下利腹疼小便不利脉沉內有水者

白茯苓二錢 白芍藥二錢 白朮三錢
附子三錢 生姜五片

右煎法同前

若煥者加五味子十五箇、細辛、乾姜各五分。若利不止去芍藥加乾姜一錢。若小便不利加澤泻一錢。小便自利者去茯苓澤泻皆不可用也。

若嘔者去附子加生姜倍用之。

通脈四逆湯

治少陰下利清穀裏寒外熱手足厥冷脉微欲絕其人面赤色不思寒或腹痛或利止脉不出者

附子大者一枚生用去皮臍切作八片
炙甘草一錢 乾姜炮二錢 茄白九箇

右煎法同前

四逆散

治少陰四肢冷泄利不止下重者方見厥陰條下

白通湯

治少陰厥沉下利
葱白四莖 乾姜二錢 附子生用去皮臍

右煎法同前

若四肢厥逆無脉乾嘔煩不能下藥者加入茱萸膽汁各半盞於湯中再煎至八分去粗服之其脉微續者生暴出者死若燥煩者將此藥水升浸冷

與之

大承氣湯

治少陰自利清水色純青心下必痛口乾燥者急

下之方見潮熱條下

凡厥陰下利腹脹滿身熱疼痛者先溫其裏乃攻其表溫裏宜四逆湯攻表宜桂枝湯主之

凡下利清穀不可先發表也蓋內虛不可更出汗

黃芩

黃連

黃柏

阿膠各二錢半
右用水二錢煎至一錢下膠再煎令烊化盡去粗
通口服

凡腹中痛加炒山梔子仁二錢一方治下血不止
加烏梅一箇升麻一錢半椿根白皮二錢若去血
過多久不止者宜四物湯合用之

○四物阿膠湯

治下血便膿血、

川芎上

當歸上

白芍藥中

鳥梅一箇

甘草下

生地黃中

黃連中

阿膠中

右煎法同前
若羌熟加軟苗柴胡二錢口乾加葛根一錢五分
脉弱人虛加入參三錢胃弱食少加白朮一錢半
若血不止加椿根白皮二錢如膿多者倍用阿膠

○黃連阿膠湯
治湿熱下利膿血、

黃連

黃芩

白芍藥

阿膠

雞子黃

黃芩

白芍藥

阿膠

○大黃酒
右用水二錢煎至一錢下膠烊盡再下雞子黃攪

勻去粗溫服

○三黃補血湯

治脈數無力血虛下血、

川芎上

白芍藥中

當歸上

大黃中

熟地黃中

升麻中

○大黃酒
治下血便膿血腹中痛裏急後重晝夜煩併不止
大黃五錢年小者用二錢半好酒一錢浸藥一日
取酒溫飲之去大黃若病甚者再煎一二沸

柴胡中

黃芩中

地榆中

耳草下

右煎法同前若膿血加阿膠中

○黃連冒風湯

治下血人弱者

人參中

白朮中

茯苓中

川芎上

當歸上

白芍藥上

木香下

黃連中

官桂下

粟米一撮

右煎法同前

若膿多者加阿膠血多者加地榆烏梅主之方

加炒蒲黃亦佳

○治陰症內寒下血便膿血之劑

○阿膠湯

治傷寒熱毒入冒下利膿血

黃連炒二錢

梔子炒二錢

黃柏蜜炙

阿膠用鉛粉炒成珠

右煎法同前

○加減芍藥湯

治洩而便膿血而氣行而血止血和便自愈調氣

則後重除

芍藥上

當歸中

川芎中

木香中

黃連中

黃芩中

阿膠中炒同前

地榆中

甘草下

右煎法同前

若裏急後重加枳殼換柳各一錢若癰熱加軟苗
柴胡二錢升麻一錢若腹中痛脉滑大有力熱甚
者加酒浸大黃一錢五分

○桃花湯

治下血人弱者

治女陰脈沈下利膿血

赤石脂五錢 乾姜炒半黑二錢

粳米一合

○平胃地榆湯

治陰症便血

白朮一錢半

夏朴五分

乾姜炒五分

當歸一錢

益智子五分

升麻七分

生姜三片

右煎法同前

陳皮

葛根一錢

地榆一錢

甘草炒五分

白芍藥一錢

神曲炒一錢

附子炮去皮

大棗二箇

膾用一錢

人參一錢

阿膠中白麵炒成珠

當歸上

附子中

甘草炙下

烏梅一箇

○桂附六合湯

治陰症下血紫黑如豚肝

川芎上

當歸上

芍藥中

熟地黃中

當歸上

附子下炮

右煎法同前

凡厥陰傷寒先發厥後熱不退者必便膿血也脈數者從陽症治脈沉者從陰症治也凡陰症內寒下血必用乾姜須炒半黑用之如神其効也凡陽明熱入血室下血譏語宜刺期門穴隨其實

而深之也一方用小柴胡湯加黃連地榆主之

○傷寒結胷治例

經曰病有發熱而惡寒者發于陽也應當發汗以解之表証下早者則外邪乘虛內陷結于心下乃為結胷也然大結小結發于寒寒結水結也又有血結食結支結微結各治不同要在辨之而已凡結胷証悉具煩燥者死結胷脉浮大者不可下凡結胷有兼發黃有兼癥斑或癰狂或吃逆者最重但脉微細沉手足冷者皆難治也若脉沉緊沉滑沉寢或數大有力者乃可攻之也今錄仲景大小等結胷治例于左以便用也

○治大小癥實結胷之劑

大陷胷湯

治傷寒五六日不大便舌上乾燥而渴日晡小有潮熱從心下至少腹鞭滿而痛手不可按此為大

結胷也宜此湯下之

大黃錦紋堅實者以酒浸之量病人壯怯邪之輕重斟酌用之或五錢重者七錢輕者三錢或二錢一錢半虛人以酒濕紙包於灰火中煨熟

用之如人壯者生用之

芒硝三錢亦量輕重用之

甘遂別為末一分或半分亦量病人輕重用之

蓋此藥性利害尤甚於大黃也

右用大黃至七分下芒硝再煎一二沸

滲去粗入甘遂末和勻溫服如人行十里大便以

利勿再服若腹中不動者再服一劑以利為度則

止不可再服也

凡發甚結胷其脉沉緊按之如石鞭者大陷胷湯

下之凡結胷項強如柔症狀下之則和宜大陷胷

丸主之

○大陷胷丸方

大黃酒浸三錢焙乾

杏仁去皮尖用二錢

若葶苈二錢隔紙炒

芒硝二錢半

右將大黃葶苈研為細末入杏仁芒硝共研成膏
入甘遂末入壯者用一分弱者半分研勻入白蜜
一匙丸如彈子大每服一丸用水一鍾煎六分服
至一宿大便乃利則勿再服如未利再服一丸以

利為度凡服須連末服之不去粗也

○孫兆口訣赤茯苓散

治熱瘻結胷心前閉塞胷中有一塊堅硬道身發
熱頭痛而色黯赤喉中涎溢大便秘熱昏悶不醒

人事

麻黃中

射干中

牡丹皮中

大黃中

赤茯苓上

半夏中

桃仁去皮尖下

黑牽牛下

羌活中

○連翹中 荆芥中
右㕮咀用水二鍾煎至一鍒去粗溫服

○牽牛半夏湯 治傷寒熱毒攻肺上冲咽喉心胷壅塞不通渾身

大熱痰氣上喘右手寸口脉偏大者

麻黃中去根節

紫苑中

杏仁去皮尖中

貝母中

柴胡上

黃芩中

桔梗中

牡丹皮中麥門冬中去心

羌活中

葶苈下

大黃中

半夏中

黑牽牛下生姜五片

右煎同前

○地龍水

治陽毒傷寒藥下雖通結胸不軟依舊結之痛楚
喘促或發狂亂者宜服之
取大白頸活地龍四條水淨洗入淨砂盆內研

如泥入生姜自然汁一匙白蜜半匙生薄荷自然汁一匙如無生者用乾者取葉煎濃湯一匙亦可更入片腦一分或半分研勻徐之唯令盡良久漸快穩睡一頓飯時久即與操心下片時再病人安睡當有汗則愈若服下半時不應須

再服一次神效

○治小結胷支結微結血結之劑

○小陷胷湯

治小結胷正在心下按之則痛其脉浮滑者以此

湯主之

黃連三分炒又 生姜三片

去皮

右用水二鍾煎至一鍾去滓通口服
凡癰熱或潮熱或往來寒熱並加柴胡二錢或三

半姜二錢生姜自然汁製
桔梗半箇大者半箇小者一箇

右用水二鍾煎至一鍾去滓通口服
凡癰熱或潮熱或往來寒熱並加柴胡二錢或三

錢主之熱多者更加黃芩一錢主之若口乾舌燥作渴去半夏加葛根或天花粉二錢亦佳若乾嘔者還用半夏倍用生姜若胷中痞悶加枳壳桔梗各一錢半若心下悶痞加枳實一錢半若小便少加白茯苓一錢半凡癰熱胷中煩悶者必以小柴胡湯加瓜蔞半主之蓋蔞半能洗滌胷中瘀垢也

○加味柴胡桂枝湯

治傷寒六七日發熱微惡寒支節煩疼微嘔心下

支結妨悶者

柴胡中

人參中

枳實中

右用水二鍾煎至一鍾通口服

○柴胡桂枝乾姜湯

治傷寒五六日或已發汗而復下之後胃脹滿微

柴胡中炒半姜中
甘草下炙桂枝下
黃連炒中
生姜三片

○結小便不利渴而不嘔頭汗出或往來寒熱心煩者此為未解也

柴胡上
乾姜下
甘草下

黃芩中
桔梗根中
生姜三片

桂枝下
牡蠣
枳殼

○柴胡枳桔湯
右煎法同前若心下痞鞕者加枳實一錢半

○治傷寒發熱小結胷脉弦數口苦心下鞕痛或胸中滿鞕或股下滿鞕發熱或日晡潮熱或往來寒熱或耳聾目眩或心煩喜嘔並皆治之

柴胡三錢
甘草一錢
桔梗各一錢

大黃三錢
瓜萎實二錢
枳殼

右煎法同前

○加味犀角地黃湯

○治血結胷中手不可近其人漱水不欲嚥或喜忘如狂或大便黑色小便自利此血結胷中此湯主之也

犀角屑一錢半
赤芍藥二錢

牡丹皮二錢
大黃三錢

生地黃二錢

○右用水二鍾煎至一鍾去粗通口服一方加紅花蕸木各一錢血未下者更加桃仁一錢主之

凡婦人熱入血室身涼胷脹滿如結胷狀讖語者

宜刺期門隨其寒而浮之活人書以小柴胡湯加

生地黃主之

○治寒癥結胷食結水結之劑

凡寒癥結無大熱者小陷胷湯主之或三物白散亦可服保命集以枳實理中丸主之

○三物白散



桔梗三錢二分半 貝母三錢二分半
巴豆一錢二分半 去皮心膜別研如泥

右將二味爲細末入巴豆研勻以白湯調下、壯人
五分弱人二分半服下病在鬲上則吐鬲下則深
如服下未吐利以熟稀粥一盃飲之則吐利也如
未動再服一二分助之如吐利不止可進冷稀粥
一盃以止之須量病人虛實斟酌用之

枳实理中丸

治寒实結脅或停食着寒結脅心下妨悶按之或
痛者

枳实麸炒三錢 人參三錢 白朮三錢

甘草炙三錢

右為細末煉蜜丸如鷄子黃大以白沸湯一鍾調
化一丸服之日服三丸至夜又服二丸如腹中熱
則脅中豁然矣或欲急効者用水二鍾更加生姜

三片煎至一鍾去粗通口服之仍用生姜二三兩
搗爛擦脅中心口上為妙若脉沉寒甚者須加附
子炮熟二錢或三錢虛寒者用一箇或半箇斟量
用之但脅中痞鞭甚者宜倍加枳壳桔梗若嘔者
減去甘草五分一方加青皮陳皮各一錢半尤妙
凡水結脅但頭汗出心下滿躁之有声泪者是也
以茯苓半夏湯加枳實主之如小便不利者用五
苓散分利之若水結不行大便实者以大陷脅丸
利之也

○巴豆餅子

治陰症寒實結脅心下按之痛不可近大小便祕
滯或累下不通但出氣少緩者可用此散之
巴豆十粒去壳研爛入白麵巴豆一錢研勻捻
作一餅子填實病人脅中上用艾炷灸七壯覺
脅中鳴吼大便通利最良別用葱白十根生姜

一塊共搗成餅子、炙熟貼臍下更用熨斗火干葱
餅上熨之即用枳實理中湯加熟附子溫之或五
積散加附子二三錢生姜十片棗子三枚鹽一捻
同水二鍾煎至一鍾去粗通口服則汙出乃愈矣

○傷寒心下痞氣治例

經曰：病有無熱而惡寒者，癸干陰也。若下之早者，
則表邪乘虛內陷，結于心下，但鞶滿而不痛者，名
曰痞氣也。蓋痞者，氣鬱不通泰也。若不因下早，而
為痞者，或痰或食或氣為之結也。保命集曰：治痞
用深心主之，各有冷熱之不同。要在辨而治之。如
熱矣而為痞者，大黃黃連浮心湯也。如冷熱之偏
勝者，則附子浮心湯之類也。如寒多而熱少者，半
夏浮心等湯之類也。要知浮心非浮心火之熱，乃
浮心下之痞滿也。今開錄于左，以便詳覽而用之。

○半夏浮心湯

治傷寒誤下之早，遂為心下痞滿而鞶不痛者。
半夏一錢半 黃芩一錢半 黃連一錢半
乾姜一錢半 炮人參一錢半 生姜三片

右作一服水二鍾煎至一鍾去粗通口服

凡發熱或潮熱或寒熱並加柴胡二錢口渴加葛
根二錢半，夏少用之。小便少加白茯苓一錢半。
若嘔者，倍用生姜加陳皮一錢半。若心痞滿加枳
實一錢半。若大便浮利加白朮一錢半。去枳實黃
芩更加白朮苓一錢半。腹痛者去黃芩加炒白芍
藥一錢半。

○生姜浮心湯

治傷寒汙出解之後，胃中不和，心下痞，乾噫食臭。
服下有水氣，腹中雷鳴下利者。
生姜一錢 黃芩炒五分

人參

乾姜各一錢半 黃連炒一錢 大棗二枚
半隻二錢 甘草一錢

右煎法同前

甘草浮心湯

治傷寒下利日數行不化 腹中雷鳴心下痞鞭而
滿乾嘔心煩不得安此非結熱乃胃中空虛客氣
上逆故便鞭也

炙甘草 乾姜 半隻各二錢

黃芩炒五分 大棗二枚 生姜三片

人參一錢半 黃連炒一錢

右煎法同前

大黃黃連浮心湯

治傷寒心下痞按之鞭其脈閑上浮內寒熱盛不
大便者

大黃二錢 黃連一錢 苗芩一錢

右以麻沸湯一鍾瀆之以物蓋定須臾去粗溫服
之煎麻沸湯瀆服者取其氣薄而泄虛熱也活人
書言伊尹湯液論有黃芩共三味今無者恐傳寫
誤落也又保命集無黃芩加甘草一錢

附子浮心湯

治心下痞而復惡寒汗出者

大黃二錢 黃連 苗芩各一錢

附子一枚炮去皮臍用水一鍾煎半鐘汁

右剉如麻豆大以百沸湯一鍾來熟瀆之一時許
絞出粗入附子汁溫服

五苓散

治心下痞滿服浮心湯痞不解真人渴而口燥煩
小便不利以此湯主之方見太陽條下
十枣湯

治傷寒乘之汗出發作有時頭痛心下痞鞭滿引

股下痛、乾嘔短氣、汗出不思寒。此表解裏未和也。

芫花炒

甘遂

大戟各等分

右為細末，用大棗十枚以水一鍾煎至半鍾去棗，將湯調入藥末，如壯人服五分，弱人服二分半。調

下如大便利下，則勿服。以糜粥養之。

○活人書枳殼桔梗湯

治傷寒胃中痞悶。按之軟，此氣痞也。此湯主之。

枳壳炒六分

桔梗四分

生姜五片

右用水二鍾煎至一鍾去粗通口服。仍用小麥麸二升，枳壳四錢同炒熟去枳壳，以帛包裹熱熨。胃中頻易熱者，熨之則愈。若心下痞滿，按之軟者，以枳實炒二錢，黃連、姜炒一錢，橘紅一錢，半夏姜汁拌晒乾一錢半，白茯苓一錢，乾生姜一錢。若發熱或寒熱往來，小有潮熱，胃服滿口苦，或乾嘔者，小柴胡湯加枳壳、桔梗各二錢，去人參主之。

旋覆代赭湯

若心下滿而覺煥者，小柴胡湯去人參加枳實黃連各一錢主之。若胃中煩悶者，更加瓜蒌仁二分，主之。大抵發熱胃中痞滿者，小柴胡湯加枳壳、桔梗以利之。若心下痞滿者，加枳實黃連以泻之。

旋覆代赭湯

治傷寒心下痞，噫氣不除者。若汗吐下後不鮮者，亦主之也。

旋覆花一錢半 人參二錢 生姜七大片
炙甘草一錢半 代赭一錢 大棗二
半夏一錢半 煎法同

○桂枝人參湯

治假熱下利不止，心下痞，鞭表裏不鮮者。

桂枝中

人參中

乾姜炮中

凡治痞，若脉浮緊無汗而惡寒者，此表未解也。宜

白朮上

麻黃湯以汗之若脉浮緩汗出而惡風宜桂枝湯和之待表解無惡風惡寒迺可攻痞也

○大柴胡湯

方見潮熱條下治傷寒發熱汗出不解心中痞或吐或下利脈滑數者以此湯主之若脉不滑數無力者不可用之也

○瓜蒂散

凡寸口脉微浮胃中痞礙氣上冲咽喉不得息者此為胃中有寒也當以此藥吐之

瓜蒂炒黃 赤小豆

右二味各研為細末合和再研勻每服一錢以香豉一合水一鍾煎至七分去滓調下未藥取吐為度如不吐者須再服一錢則吐也凡亡血家并人弱脈虛者不可吐之也如無香豉以蘿蔔汁吐之

○枳實理中湯

治中氣虛寒不能運化氣滯不通或停飲食不化痞滿者

人參中

炙甘草下

白朮上

枳實中

乾姜中

生姜中

右水二鍾煎至一鍾去滓通口服或為細末煉蜜為丸如彈子大以麻沸湯化下一方白茯苓

○宣明枳榔散

治傷寒心下痞滿

枳榔

枳實各等分

湯

右二味為末每服二錢黃連湯調下

○五苓加木香散

治心下痞小便不利或煩渴者如木香末五分以此散調下方見大陽例

○木香和中湯

治不因下早而心下痞滿按之軟乃氣痞也

陳皮上

半夏中

甘草矣下

砂仁中別研碎

木香中

白朮中

生姜五片

右用水二鍾煎至一鍾去粗通口服

若氣痞大便祕者加枳榔末五分調入藥服之

若有熱者加姜炒黃連一錢

枳實中

青皮下

生姜五片

○傷寒譏語治例

夫譏語者語言訛謬而無倫也又曰譖語者謂譖妄有所見而言也經曰寔則譏語此之謂也蓋邪熱傳變入深蘊于胃中熱甚于內則昏其神氣乃不知所以然遂語言不次而胡說也若熱邪輕者則睡中譖語醒而則無矣如邪熱重者則不睡而亦譖語也如熱極者則罵詈不辭親疎不識人此神明之亂也旦夫譏語蓋非一端要在辨之而已然有潮熱內寔有腹滿內寔有自汗出有下利燥

曰
下皆同

果有二陽併病有三陽合病有表虛裏實有熱入血室有汗多亡陽有大熱入胃中有過經不鮮有下後驚惕有火邪等証皆是譖語也又有錯語獨語狂語亂語鄭声之不同要在辨而治之然有不可治者又當察之經曰直視譏語者死汗多亡陽脉短譖語者死又譖語舌短者死難經曰病若譖言妄語身當有熱脈當洪大而反寸足逆冷脉沉細而微者不過一日而死矣

一日潮熱內寔者其人日晡所發潮熱而譏語大便秘面赤煩渴手心腋下濶之汗出其脉沉實或滑數有力者以大柴胡湯加芒硝下之經言陽明病譏語發潮熱脉滑而疾者小承氣湯主之服下一鍾腹中轉失氣者可又服一鍾如不轉失氣者不可服也若明日不大便脉反微濶者為難治不可更與承氣湯也又曰陽明病譏語有潮熱及

不能食者胃中必有燥屎五六枚若能食者但輕
小柴胡湯增損主之凡潮熱譏語但未可下者且宜
虎加人參湯主之若表裏大熱煩渴譏語取洪弦
而數者以柴胡湯合白虎湯倍加人參主之

二日腹滿譏語者以手按之其病人脅腹鞭痛手
不可近者此有燥屎內实也宜小承氣湯下之若
腹滿按之軟或時滿時減者不可下也經曰傷寒
腹滿譏語寸口脉浮而緊者此肝乘脾也名曰縱
宣刺期門而浮之也

三日汗出譏語者以有燥屎在胃中此為風也須
下之又陽明病其人多汗以津液外出胃中燥大
便鞭之則譏語小承氣湯主之若腹不滿者以調
胃承氣湯下之也

四日下利譏語者脉滑而數有宿食也而承氣湯

下之此燥屎結矣胃中稀水傍流大腸為利也必
須能識滑數之脉者乃可下之此通因通用之法
妙在於脉也

五日二陽併病譏語者經曰大陽病眾但先厥手
足繫々汗出大便難而譏語者下之則愈宜大承

氣湯下之此陽明內实故下之也

六日三陽合病譏語者腹滿身重難以轉側口中
不仁面垢譏語遺尿自汗者白虎湯主之

七日表虛裏實而譏語者經言傷寒四五日脉沉
而喘滿沉為在裏而反發其汗津液越出大便難
而譏語者此表虛裏實也宜調胃承氣湯下之若
未可下者人參白虎湯主之

八日熱入血室譏語者經言陽明病下血譏語此
為熱入血室也但頭汗出者宜刺期門而浮之此
言男子之病也凡婦人熱入血室譏語者亦刺期

○門亢而浮之也詳見本條

○九曰亡陽讞語者經言發汗多亡陽讞語不可下與柴胡桂枝湯和其榮衛以通津液後自愈又曰發汗多重發汗則亡其陽讞語脉短者死脉自和者不死乃可治之也


○十曰大熱入胃讞語者經曰大陽病二日煩躁火燄其背而大汗出大熱入胃胃中水竭躁擾必發讞語至十餘日振慄自下利者此為欲解也故其汗從腰以下不得出欲小便不得而反嘔又欲失溲足下惡風大便鞭小便當數而反不數及多大便已其頭卓然而痛其人足下必熱此穀氣下流故也此條仲景無治例學者詳之

○十一曰過經讞語者經言傷寒十三日不解過經讞語者以有熱也當以湯下之若小便利者大便當鞭調胃承氣湯下之

○十二曰驚惕讞語者經曰傷寒八九日下之胃滿煩驚小便不利讞語一身盡重不可轉側者柴胡加龍骨牡礪湯主之

○十二曰火劫讞語者自有火邪條宜詳看本條而治故不錄也

○十三曰錯語者乃語之差錯而說也若自知覺者契邪輕也如差錯而不自知覺者此邪契甚而正氣衰也多難治衛生寶鑑治傷寒錯語呻吟乾嘔不得眠者黃連解毒湯主之若發熱或日晡小有潮熱或往來寒熱口苦胃滿錯語者宜小柴胡湯加黃連主之若不得眠更加山梔子主之若脈洪錯語潮熱大便不通者大柴胡湯下之凡脈弱人虛精神不足而錯語者竹葉石膏湯主之或人參三白湯加黃連麥門冬五味子之類主之



十四曰。獨語者。經曰傷寒十餘日。日晡所。發潮熱。而不安。微喘。直視。脉弦者。生脈瀉者死。若病熱輕。其脉弦滑有力。大便不通者。以大柴胡湯加芒硝下之。如未可下者。宜小柴胡湯加黃連解毒湯主之。也要在辨而已。

十五曰。狂語者。謂癥狂喊叫而言也。或棄衣而走。登高而歌。罵詈不避親疎。此陽明內實熱極也。宜大承氣湯下之。詳見癥狂例下。

十六曰。亂語者。經言傷寒下之早者。語言必亂。凡汗多者。亦語言乱也。此乃汗多亡陽。下多亡陰。陰陽之氣內脫。則語言亂說也。難經曰。脫陽者見鬼。脫陰者目盲。此之謂也。凡傷寒身大熱。發汗後。大汗出。脉反躁急。身熱愈甚。不食。乱言。此為陰陽交不治也。蓋交者。謂陰陽二氣以脫交錯而為亂也。

- 治譏語之劑。白虎湯見太陽例。
○小柴胡湯見少陽例。
○大小承氣湯。調胃承氣湯。
○大柴胡湯。並見
○瀉熱例。柴胡加龍骨牡鯛湯見驚惕例。石膏湯見病後勞復例。
○傷寒鄭聲治例

經曰。虛則鄭聲。鄭聲者。重語也。成氏以為声轉其本音也。一說重語者。乃語言重疊而說之也。如說過之語一遍。則又說之而不已者。乃鄭聲也。二並通。故兩存之。大抵鄭聲乃因內虛。正氣將脫。而言皆不足之貌。如手足並冷。脉息沉細。口鼻氣息短少。所說語言輕微無力。接續或鼻息出入之氣。且促或氣短少。難以應息。教者皆元氣將脫也。若神昏上氣促急。或吐逆不止。神昏不知人事者死也。如氣壅不足。手足頗溫。其脉沉細而微者。急以

附子湯 僂人參主之或以接氣丹 黑錫丹 兼進一二服以助其真氣也 或濃煎上好人參一味膏子徐々與之亦良或未可用附子者只以三白湯倍人參主之也

○傷寒懊惱治例

凡懊惱者乃心中鬱々惱悶而不安也 經言傷寒發汗吐下後虛不得眠若劇者必反復顛倒心中懊惱 挞子豉湯主之若少氣者加炙甘草一錢若嘔者加生姜五片 凡發汗或下之而煩熱 胃中室者 挞子豉湯吐之 凡傷寒五六日 大下之後身熱不去心中結痛者 挞子豉湯主之若下後心煩腹滿 卧起不安者 挞子厚朴湯主之 若傷寒以丸藥下之 身熱不去 微煩者 挞子乾姜湯主之 凡陽明病 脉浮而緊 咽燥口苦 腹滿而喘 烦渴 汗出不惡寒 反惡熱 身重若下之 則胃中空虛客氣動膈心陽明病

病

中懊惱 古上胎者 挞子豉湯主之 又陽明下之 其外有熱 手足溫不結膚 心中懊惱 飢不能食 但頭汗出者 挞子豉湯主之 又陽明下之 心中懊惱而煩此胃中有燥屎 内实不大便 宜小承氣湯下之

若腹微滿大便初鞭後溏者 不可下之也

○搘子豉湯

搘子十四箇 切碎

杏豉半合

右用水二鍾先煎搘子至一鍾半下豉再煎 取八分去粗分作二次溫進一服得吐止勿再服如未吐再服一次或以指探喉中吐之

○搘子厚朴湯

搘子十四箇 切碎 厚朴二錢 枳實二錢

右用水二鍾煎至八分去粗溫進一服得吐勿再服不吐須再服之

○搘子乾姜湯

搘子十四箇 切碎 厚朴二錢 枳實二錢

右用水二鍾煎至八分去粗溫進一服得吐勿再服不吐須再服之

桔子七枚切碎
右用水一鍾煎至半鍾去滓溫服得吐止服未吐
再服一次凡用桔子湯若病人素有內寒大便微
溏者不可用如欲用之必須生姜同炒半焦用之

乾姜二錢

傷寒要全書卷之三 終



Kitasato Memorial Medical Library